

U LUFUYULO KULI NŌNGWA YA LISYU



Ndaga ugwe, Nkundwe Neville.

Une ndinkuyoba kwa Nkundwe Neville, “Ugwe usisimikísye ukuti ugwe ukaya na kayabo kanini ka bupakígwe ulubunju ulu?”

² Une ngwísa ukusuluka ukwípùtila ababine. Pala bálipo abāndu bāmo bībūngēnie mu iki uswe . . . ilya Ndungu ndubūnju. Iki une mbagile ukukóla kula, une ndinabo itolo abēne ukwisa kuno ku kipanga. Kangi une—une akabalilo kosa ngwinogona ikyene kyo kinunu ukwiputula ababine ukusyungutula ikipanga. Une ngamanya. Une nkiganile ikipanga, kangi ukwisa kuno kuko ikilundilo, abandu panja apa bikwiputa.

³ Kangi ālipo u ndindwana unnini kunyuma kula, u ndindwana unnini ummogi ukukinda bosa, fiki, une ngwinogona umwene itugesye pa buyobumo panja apa lilino, linga abandu bakabukile ku kāya. O, une ngukéta lilino. Kangi ako ko kāndu kamogi ukukinda. Kangi umwene yo mbine fiyo. Kangi uswe twapilikisyaga, akabalilo kako uswe twapilike indumi ya ndimi nu kusanusya yikukīndilila nkyeni. Kangi uswe twāpilikisyāga, kangi uswe twīnogonāga uswe twāpilikísye ukuti ikīndukimo kyāyobigwe isya kalīndwāna akanini kamo. Kangi uswe twāgulilāga ukukéta linga u Ntwa āpèle i ndumi, ikyakuyoba nkati mula. Loli une ngwinogona undindwana unnini yula ali kanunu lilino, kangi ikuyaga kanunu. Kangi polelo . . .

⁴ Kangi pala ālipo u nkíkùlu uyu ātāgile ukukéta kwāke, yōpe, kangi uswe twāmmwīputilāga umwēne. Kangi u nnyāmbála yumo mu ambulasi panja pala, u ndumbilili. Une ndikusakikisya ukuti umundu yula abagile ukuya nsito amapaundi malongo matatu na mahano, pamo malongo mana. Itolo—itololo fiyo, fiyo . . . Kangi polelo une ndinkwisa pasi ukwakubiputula abene.

⁵ Kangi i nōngwa une nāli mu luko lwa kwīlāmwa, fiyo, ikifōndeko kyāsātīwe ukufuma pa līno lyāngu. Kangi une ngukub’ulukufi kwa nīmwenē, ulubūnju ulu, ukukilania ubuyo bula ukufuma pa līno lyāngu pala, mu nkyēni pala. Kangi abēne bikumbūla une lilino une mbagile ukuya na gēne ukusya ukusōsyāpo, kangi utukopo ukubīkígwa pamwanya pa gēne. Kangi popāpo ubukusi bwabukāngāle ubu itolo bukwāfulila mmwanya, kyo kīndu kyēne une mmenye. Kangi une nāli ni kifōndeko mu limo lila, kangi mu luko lumo lwa sinda gwa ikyene, kangi akabalilo kāko une nālyāndīle ukuyoba, ugwe ubagile ukwipilika ikyene, u mbelo luko lumo gukugutula panja,

ugwe—ugwe umenye iki une ngusanusya, panja ukukilania imilomo gyāke. Kangi ikyene kikukupela ugwe u luko lwa kuyobela palulimi, ngati.

⁶ Uswe naloliloli twe bāndu ba lusako ukuya būmi ulubunju ulu, kangi ukuya babagili ukwisa ku kipanga. Kangi pisiku lyaku kilabo yo Krismasi, ukugūlila panongwa ya lusekelo lūlo abēne bali nalo, iki, une—une ngusubila une. . . Balipo abana bingi fiyo apa ulubunju ulu, polelo une ngumilisyaga itolo ukuya kimyemye. Muketile? Kangi uswe twe bakusi, utubalilo tumo, uswe tukuyoba ifindu ifi abanike bakabagila nukupilika, umwe mumenye.

⁷ Loli, une ngwinogona i kipanga kisile ukuya nakyo ikyābupi ikinini apa ku banike abanini, ukufuma pa kabalilo. Une naketaga itolo ikyene ukukilania, kunyuma kula. O, ugwe kulonda ukusyāla. Ukufuma pa sukulu ya Ndungu, umwe itolo koleléla pāpo, muketile, panongwa yakuti une—une ngwinogona abene bali ni fyābupi kunyuma kula kuli binitu abanini, ukupa panja ulubunju ulu. Kangi akabalilo kāko une. . . Umwe binitu banini, mukukumbukila, akabalilo kāko uswe tukubōmba iki, une ngulōnda ukutēndēka iki kyapabwelu, ikyēne kikaya Santa Klausī, panongwa yakuti ako ko kapango aka lisiku limo umwe mukwisakumanyilaga akene ko nakimo ku kene. Loli ikyene kyo ukufuma kwa Yeso Kristi, u Bwanaloli bwa bwanaloli bosa, umwe muketile, u Mwanundumiana gwa Kyala. Kangi uswe tukubāpa umwe akābupi akanini aka, ulubūnju ulu, panongwa yakuti ikyēne ko kubaleka umwe ukumanya ukuti akabalilo kamo Kyala āpēle ikyabupi ikikulumba ikikīnda—fyōsa iki kyābagile ukupīgwa ku luko lwa būndu: Mwanundumiana Gwāke. Kangi uswe tuli ni njila indolwe, ukukibonesya ikyēne. Kangi kikayapo nakimo uswe tubagile ukupa ukufwānikisya na kila. Lōli itolo ukuya bākufwa, yumo ku nnine, uswe tukubōmba ikyo.

⁸ Lilino, une nāyaga pakugūlila mpaka Pandungu ugu gukwisa. Kangi une lumo nguyaga, mulimosa, pa kindukimo iki une nālōndāga ukuyoba. Kangi ikindukimo ki—kimanyigwe kwa uswe, ku kāya, ikya mboniboni, ukuti une ngufimbilisigwa ukukikonga ikyene lōsa. Kangi ikyene kyo mu luko lumo. . . Ikyene kyo mu luko lumo, mbubonekelo, kikuyaga mu luko lwa magengemia, lōli uswe tutikulōndamo siku ukwīnogōnda ukuti iki Kyala ikuyoba kyo kyamagēngelēmia. Gwāke—Gwāke unsigo go mpepe.

⁹ Kangi ukuya ukuti pa Ndungu ugu gukwisa, Kyala itikisyege, uswe tukuyaga nu—nu bubombelo apa ubu bo itolo kikāli i Kilabo kya Kyinja Ikipya, linga u Ntwa asangalwīke na uswe ukuya nu bubōmbelo ubu. Kangi uswe tukulonda ukuya nu lukomano lwakulubunju, ulwiputo pa babine, kangi lumo ububōmbelo bwa losyo. Polelo une nālīnogwīne, fumusya ikyēne pānja ku binitu, ukuti abēne babagile ukwisa mula.

Polelo uswe twisakuyaga nu lubunju lwa Pandungu kangi ikilo kya Pandungu. Kangi polelo abāndu bikulōnda ukusyāla ku Kinja Ikipya, polelo uswe tuli ni. . . Tukuyaga na Gonela-kūko, akabalilo aka? [Nkundwe Neville ikuyoba, “Ena.”—Nsimbi]

¹⁰ Bisakuyapo abalumbilili ba bingi apa, bisakuyobaga ikilo kya Kyinja Ikipya, mpaka pakilo-pakati. Kangi—kangi uswe tukukōléla abalumbilili bo bala ukwisa nukuyoba. U Ntwa itikisyege, une ngulonda ukuya yumo mwa bene uyu alinakyo ikindukimo ikyakuyoba pa kilo Kyinja Ikipya.

¹¹ Kangi polelo Pandungu ugu gukwisa, une ndinkwinogona une ngutwalaga ulukindi lwa findu ifi fikubōmbigwe, ifi fibōmbigwe, ukunāngisya mūmo Kyala ikubōmbéla na bāndu Bāke, nukutwāla ikyēne kulakula kula ku—ku bunoge apa ku kipanga.

¹² Kangi mwe bingi ba umwe mukuswiga isya mbombo iyi ya nsongo gwa sikali iyi uswe tukukīndamo. Iyēne yisēngēme. Kangi popāpo une ngulōnda ukubabūla umwe mūmo kila kyābonīke, pōpe. Kangi une ngwinogona, ikylene kikuyaga, ukuyoba ikylene kangi, u Ndungu ugu gukwisa, polelo une ngugūlilaga itolo mpaka Pandungu ugu gukwisa. Kangi ngugela ukuyoba kwa umwe panandi, ulubunju ulu, ukufuma mu Lisyu. Muketile? Kangi u Ndungu ugu gukwisa, une—ngugelaga uku, linga Kyala ikwitikisya, ukubabula umwe mumo ikylene kyosa kikwisaga, nukutwāla kwa umwe aligwesa gwa findu ifi u Ntwa āyobīle, nu kētēsya ikyēne kyātikīle itolo katikati ku buyo bwāke, itolo kibīkīgwe katikati pa buyo. Muketile? Umwēne atikuyoba kalikōsa akasobi.

¹³ Lōli, lilino, ikindu kimokyēne iki une ngulōnda ukuyoba ulubunju ulu, ukuti une lumo ndisakubōmba, ndisakubōmba u Ndungu ugu gukwisa, kyo kyakufwāna ni kindukimo iki kyābonike mmayolo. Une nilaamwaga panini pa kwingila muno ulubunju ulu, panongwa yakuti une naloliloli mu luko lwakulasuligwa lōsa, mwakuti une—une ndikwipilika fiyo ngati ikyēne mma. Lōli ukuya ukuti une ndi apa, mulimosa, une ngugelaga ubununu ukukīnda bosa ubu une mbagīle.

¹⁴ Kilo bo kukāli ukuyako mmayolo, une nāli na bayāti, Nkundwe na Kalumbu Sothmann, mūmo uswe tukumanya apa, yumo gwa bakyungakyūma ba kipānga, nu unkasi gwāke, bālisile kula ukuyātīla nkasi na une. Kangi uswe twāyobaga pa ngomano isi sikwīsa mu Phoenix nukusyungutīla, linga ikyēne kikuyaga bwīgāne bwa Ntwa. Kangi uswe twali māso mpaka ukufwana sinda gwa sala kalongo, une ngusakikisya, kangi une ndinkubuka ukugona utulo pa buyobumo ukusyungutīla kalongo na yimo.

¹⁵ Kangi akabalilo kamo nkilo, une nāgogwīle i njosi. Kangi mu njosi iyi une numbwene umundu yumo uyu ābagīle ukuya tata gwangu; unkulumba, unnyāmbāla unnywāmu, itolo ukwimilila,

ukuyobela nkifwāni, tāta gwāngu. Une numbwene unkikulu, akābonekaga ukuya bo yu māma gwangu; loli, pópe, umwene abagisenie ukuya mama gwangu. Kangi unnyambala uyu (uyu abagile ukuya bo yu tāta, undume gwa nkikulu uyu) nubugāsi antamiaga umwene, mpaka umwēne āli nakyō ikiyēngo kya lubabu, kangi umwēne ankōlelelaga umwēne mmwanya bo *ulu* nukuntika umwēne ni liyēngo lya lubabu, kangi umwēne āgwīlāga pānja nukubūka pāsi. Kangi polelo—kangi polelo, bo kakindilepo akabalilo, umwene ikugomokela kangi. Kangi umwēne endendekaga ukusyūngutila, ukwiyāndila ukuti āntike umwēne kangi, umwēne āntikāga umwēne kangi. Kangi une nalimile panja pa butali, nguketesya ikyene.

¹⁶ Kubumalikisyo, une filinkumfwāna itolo pa kyene. Kangi une nāli kubutali fiyo nninipo ukukinda u nnyambala uyu, ābagīle ukuya bo tāta gwangu. Polelo une ndinkwenda ukusegelela ku mwene nukubika ulobe lwangu nkisyo kyake. Une ndinkuti, “Komma ukuntika umwene kangi.” Muketile? Kangi akabalilo kāko une nābōmbīle, ikindukimo kilinkwānda ukuboneka. Ingongi syāngu silinkwānda ukutupa, kangi une ndinkukaba imikulumba, iminywāmu iminyōfu igwabunyāmbala. Une ngaketamo siku iminyofu gya luko ulu. Kangi une itolo ndinkummwega unnyambala yula pa kolala, kangi une ndinkuti, “Komma ukuntika umwene kangi. Linga ugwe kubomba, ugwe kufimbilisigwaga ukubomba na une linga ugwe kuntika umwene kangi.” Kangi unnyambala alinkutetema panongwa ya une, kangi alinkundeke umwene pamwene. Une ndinkusumuka.

¹⁷ Mulimōsa, ndambalele pala, itolo nkabalilo, ena, ukusanusya kwa ikyo kulinkwisa. Yula āli, ena, u nkikulu, gwa nkifwāni ukuyoba, yo Kipanga, uyu yo luko lwa mama. U tāta yo kipanga-kipāgūke pa mwene, iki kikulagila pamwanya pa Kipanga, bo yu ndume pa nkasi. Kangi ifyene fyo fipanga-fipāgūke ifi fikutika i Kipanga kila, kangi nukundeke mma Umwene ukusumuka pa malundi Gāke bo ulo. Itolo, akabalilo kōsa Umwēne ikugela ukusumuka pamo ukubōmba ikindukimo, abēne, abāndu nkati mula, ikipānga-kipāgūke kikutika Umwēne pāsi. Kangi ikyēne itolo kikusanusya ukubika gimo—gimo iminyōfu gya lwītiko panja apa ukūmilisya ukusosola ulōbe lwāngu panja pala, nukuyoba, “Ugwe kubomba na une. Muketile?” Panongwa yakuti, balipo abandu bamo nkati mula aba bāke Kyala. Kangi ikyo kyaali kinunu mosa. Ukufwana . . .

¹⁸ Uswe twali kifuki isala ibili, pamo sitatu, une ngusakikisya. Kangi u mwanundindwana gwangu, yumo mwa bene, Rebekah, kunyuma kula, umwene ikubomba imbombo ku Kipatala kya kiMethodisti mu Louisville. Yo, o, yula uluko lwa ugwakumanyila lwa bumanyisigwe bwa nāsi. Ikyēne kyo “myenda gya luuki,” abēne bikubabilikila abēne, pamo ikindukimo bo ikyo. Kangi umwene aali, umwene . . . Abene

balinkolile umwene ukwisa kula ulubunju lula, kangi ikyo kyo iki kyalinsumwisye une. Kangi ukwēne kwāli bulābile, kangi umwēne, na kamo akāngi akanini akanine kakusukulu apa, abēne—abēne bikubōmba palikimo, kangi nayaga pakubega abene kula ku Louisville. Abene bafimbilisigwaga ukuyapo pala pa sala ya kalongo. Kangi u nkasi āswīgāga nongwa ya fiki umwēne ātoligwāga ukwīngila nkyūmba. Une nali nakyo ikyēne kifūngigwe.

¹⁹ Lilino, une ndinafyo ifindu fingi ifyakuboneka mu bumi bwangu, loli une ngayamo siku na kandu kamo bo ako. Une ndinkubūka mu njosi yapamusi. Une ngamanya ukusanusya. Une ngayamo siku na kalikōsa bo ikyēne mu būmi bwāngu. Loli, bo une, ikyene kikuboneka ukuti une nasyaganiaga ukuti ikyene kyaali mboniboni, kangi une naali mu mboniboni. Loli une nayobaga nu mwanundumiana gwangu, Yosefu. Uyu, umwene akaali nkyumba akabalilo kala. Loli mu njila yimo, itolo mumo ikyene kyatikile une, une nayobaga kwa Yosefu.

²⁰ Kangi une—une ndinkukēta mmwanya. Kangi mu luko lumo mu bubūmbe bwa piramidi, twīmīle pankyēni pa une, twāli utuyuni utunandi, ikindukimo ngati sinda-gwa-inchi mbutali. Kangi utwene twāli, pa mwanya, pa samba, syalipo i . . .mbagile ukuyoba, itatu pamo ina. Polelo, ulwakukōnga, ulusāmba lwakukōnga lwāli nasyo lumo lwēle pamo kalongo. Kangi pāsi kūsi, syāli kalongo-na-sihano pamo malongo mabili.

²¹ Kangi utwēne twāli tulwabwīte utunini, panongwa yakuti utuyoya twābo twakomigwe, kangi kyābonekaga ngati utwēne twāgelaga ukuyoba kwa une, ukuyoba ikindukimo. Kangi une nāli mu Bwingilil’ilisuba, ngufwana itolo ukusyungutila Tucson, Arizona. Kangi injuni silinkukēta Kubusōkēlo. Kangi une nāpilikisyaga kifuki. Syagelaga ukuyoba, syabonekaga ukuya isyene syagelaga ukumbula une ikindukimo. Kangi isyēne syāli na mayoya amanini, gāli mōsa gakomīgwe lōsa, ni findu. Isyēne syāli kifuki lōsa syafikoko-fyabwīte. Polelo, mōsa mwa mbibimbibi, injuni yimo yilinkwānda ukwēga ubuyo bwa yimo iyīngi, ukunyēla bo *ulo*. Kangi isyēne, utuyuni utunini nubwēngo silinkusōkapo, ukupululukila ku busōkel’ilisuba.

²² Kangi akabalilo kāke isyēne syābōmbile, ukufuma ikyo silinkwīsa injuni inywāmupo, fiyo ngati ngungubiya, na mapiko amasosole. Kangi—kangi—kangi isyēne sikwisa mu kibugutila, kangi nubwēngo, sya bwēngopo ukukīnda iki injuni innini sila syāli, silinkupululukila ku busōkel’ilisuba.

²³ Kangi une pōpe mu gāngu . . . amabyebye mabili gala palikimo, une nāmēnye une nālimile apa, kangi une nāmēnye une nāli kubuyobumo ubūngi. Muketile? Kangi une ndinkwinogona, “Lilino, iyi yo mboniboni, kangi une ngufimbilisigwa ukumanyila kīkyo iki kikusanusya.”

24 Kangi kisita kukĩnda ikibugutila kyakibili kya njuni kikwĩsa pala, une ndinkukēta ku Bwĩngilil'ilisuba. Kangi ndinkukēta ngati mu bubũmbe bwa piramidi, ngati ibili pa lubafu lulilōsa, na yimoyēne pamwanya, balinkwĩsa bahano ba Bāndũmi abamaka ukukĩnda-bōsa une ngetilemo siku mbũmi bwāngu. Ubwēngo bwa luko bo ulu, une ngakētāmo siku. Imitu gyābo ku nyuma, kangi amapiko Gābo amasōsole, itolo gikwēlēla mbibimbibi! Kangi a maka ga Kyala Mwenemaka galindikile une, mu njila ya luko lumu, mpaka Ikyēne kyalimbĩmbile une pabutali ukufuma pāsi, injila yōsa ukufuma pāsi, mmwanya.

Une nābagile ukumpilika Yosefu akaali ikuyoba.

25 Kangi akōgo bo mpaka gwa kōgo gukubongotoka, kila—kila unjwēgo unkulumba gulinkubũka ukusōka pānja, kubutali mbutali, ukubuka Kwītōngo. Kangi akabalilo kāko une nāfyūsĩgwe mmwanya...Kangi pala bwālipu u luko lwa bwēngo ubutetemesye ubwa Bāndũmi! Kangi une—une mbagile itolo ukubakēta Abēne lululu ulu, muketile, bo—bo mũmo Abēne bīsāga, mu bubũmbe bula ngati *ulo*, itolo bikupyāgila mulamula mwa une.

26 Lilino, kisita ukugogwa ĩnjosi, lilino. Umma. Une nāli palapala pala, ndimaso ng'āt̄wile bo une njilile lilino. Muketile?

27 Lōli apa Ikyēne kikwĩsa. Kangi Abēne bāli fīyo nukutetemesya bēngo, mpaka une nĩnogonāga, akabalilo kāko Ikyēne kyālimfyūsisiye mmwanya...Une nāpilike kila ikipufulilo, ngati, pamo ngati ukulũndũma kyābũkile pānja, ngati mpaka gwa kōgo. Kangi akabalilo kako ikyene kyābombile, une ndinkwinogona, “Ena, iki kibagile ukusanusya ukuti une ndi kifuki ukugogigwa, muketile, ubulundume bwa luko lumu.” Kangi—kangi une itolo...Akabalilo kako une nĩnogonāga pa findu ifyo, une ndinkwinogona, “Umma, ikyene āngāli kitikuya ikyo'mma. Panongwa yakuti, linga ukwene kwāli kulũnduma, ukwene āngali kummwāgile Yosefu, yōpe. Panongwa yakuti, pala umwene alipo, akāli ikuyoba, ikwinogona une ndi pala. Une mbagile ukumpilika umwene. Ikyene kikāli ikyo mma.”

28 Lilino, iki kyo kyosa kikāli mu mboniboni. Ikyene kikāli... Muketile? Ikyene kyāli mu mboniboni.

29 Kangi polelo, mōsa pakamokene, bo une ngusyagania ukuti une nāfumile pakuya...Abene bāli nkusyungutila une. Une ndinkutoligwa ukubakēta Abēne, lōli une natwāligwe mbubunganilo ubu bwa piramidi iyi iya Abēne, nkati mbubunganilo ubu ubwa—bwa Bāndũmi, ubwa bahano. Kangi une ndinkwinogona, “Lilino, u Gwandumi gwa bufwe abagile ukuya yumoywene. Bahano bābagile ukuya ipyāna.” Une ninogonaga ikyo. Une ndinkwinogona, “O! Ukwene ko—Ukwene kukwisa ni Ndumi yangu. Ikyo kyo bunoge bwangu ubwakibili. Abēne bikwisa ukundwālila une i Ndumi ukufuma

kwa Ntwa.” Kangi une ndikulāta pānja na gōsa amaka gāngu, ukuya gwakulāta mūmo une nābagile, “O Yeso, ngimba Ugwe kuyaga na nīne ukuti mbōmbe fiki?” Kangi akabalilo kako une nābombile, Ikyene itolo—itolu kilinkusōkāpo ukufuma kwa une.

³⁰ Une—une—une ngīpilikīsyamo itolo kanunu, ukufuma pala. Muketile? Une nāli, lyōsa ilisiku mmayolo, une nafūmbilisigwaga ukusyāla mu nyūmba, kifuki ukwipilika ndi palubafu lwa nimwēne. Une ngabagila ukupela aminogono gangu ukwisa pabwelu. Kangi ulwīmiko na maka ga Ntwa! Une nagwīl’ubwāsi mosa, akabalilo kako Ikyene kīndekēge une. Une nagelaga ukugūsa amaboko gangu. Kangi une ndinkwinogona, “Une ngabagila ukukola ubutuye bwangu.” Kangi une ndinkwēndendeka ukusyungutila, kangi ukukilania pa kipālo, kangi ukubuka nukugomoka. Une ndinkwinogona, “Ngimba ikyene kikusanusya fiki, Ntwa? Ngimba ikyene kikusanusya fiki?” Polelo, une ndinkwima. Une ndinkuti, “Ntwa Kyala, ugwambombo Gwako yo... Une—une itolo ngutoligwa ukupilikisya. Nongwa ya fiki? Ngimba kila kyāli fiki? Tēndēka ikyēne kimanyigwe, Ntwa.” Ena, akabalilo kāko i. . .

³¹ Une ngabagila ukubabula umwe ukufwana, akabalilo kako une nguyoba, “Maka ga Ntwa.” Yikayapo injila ya kukilīngānia ikyo. Ikyene kikaya iki ugwe kwipilika kuno, mu sayo. Isyo syo sayo sya Ntwa. Iki kyo kisisya! O, mwe! Ikyene kyo—ikyene kyo kukinda kilikyosa iki ugwakufwa ābagile nukwinogonela. Muketile? Kangi ikyene—kangi ikyene kyāndamiāga une, naloliloli mbubibi. Ikyene kikaya. . . Ulwene lukaya lusayo. Ulwene lo lutamio. Ugwe kutamigwa. Muketile? Ikyo kyo kilu. Linga itolo ugwe ubagile. . .

³² Linga une nābagile kwēne ukuya ni njila yimo iyi une nābagile ukubabūla abāndu iki kila kyāli, pamo iki ikyēne. . . iki ubwīpilike ubwa ikyēne bwāli! Ikyēne, ikyēne kikaya itolo ngati kwītūgasya apa, kulōnda ukusekela. Ikyēne kyo—ikyēne kyo kindukimo iki indepa yiliyōsa mwa ugwe itolo. . . Ikyēne kyo ukukīnda ukutetemesya. Ikyēne kyo ukukīnda ukutulisigwa. Ulwene lo luyīndiko lwīkēmo. Ulwa. . . Une. . . Yikayapo i njila ya kukilīngania ikyene. Pōpe, mpaka, inyuma yāngu yōsa, mmwanya-na-pāsi pa nsana gwāngu, ukwīsila mu nyōbe syāngu, mmwanya-na-pāsi pa malundi gāngu ni nyōbe-syammalundi, ubūndu bwāngu bōsa bwāli itolo busililike, muketile, itolo ugwe gwāfimbilisigwaga—ugwe gwāfimbilisigwaga ukusōka pānja pa kīsu, kubuyobumo. Kangi—kangi ikyene kyandekaga une, panandipanandi, kangi une ndinkuyoba kwa u—kwa Ntwa, “Ngimba Ugwe kunyitikisyaga une ukumanya, O Kyala?”

³³ Une ngusakisya, ukuti, ikyabupīpi fiyo iki une nīsīlēmo ukuya kyamaka kāngi, kyāli akabalilo kāko une nāli mu Zurich, Switzerland, akabalilo kala kāko Umwēne ālināngisye une i Ngwāsi ya Jeremani nguketelela untoga-falasi gwa kiNgereza

yula ikwīsa ukusuluka ukukīnda Africa. Kangi Umwēne alinkuyoba, “Bōsa batulilw’inōngwa kangi bisile ukutumukilwa pa lwīmiko.”

³⁴ Kangi une nākūtaga kwa Ntwa, ukundula une. Kangi une—une ngulonda Umwēne ukumba une ulusanusyo, panongwa yakuti une naswigaga linga ikyene kyanusyaga—linga ikyene kyanusyaga ukuti une ngusookaga ngapo, une ngugogigwaga. Kangi linga ikyēne kyāli, une nāyaga pakuyoba nakimo ku kikolo ukufwāna ni kyēne. Akene ko kabalilo kangu akakubuka ku Kaya, fiki, une ngubukaga itolo ku Kaya, ikyo kyo kyene. Loli linga—linga ikyo kyo iki ikyene kyanusyaga, une ngālondaga ukubabula ku nyumba, ngalōndaga abene ukumanya nakimo ukufwāna ni kyene. Kileka itolo ikyene kibombigwege, kangi ikyo—ikyo āngāli kikuya kyosa kya ikyene.

³⁵ Une ndinkuti, “Ntwa, ndula une. Une ndikulonda ukubūla i kikolo, linga—linga Ugwe guli. . . Iki, ikyene kyo bukōlelo bwangu ku Kāya, ena, une—une ngubukaga.” Umwe muketile. Une ndinkuti. . . Kangi, umwe mumenye, ugwe uli. . .

³⁶ Ugwe kuyoba, “Ena, nongwa ya fiki ugwe ukālīnogwīne isya iki ugwe gwāyobile mu mboniboni, iki imboniboni yāyōbile?”

³⁷ Loli ugwe ukabagila ukwinogona ifindu bo ifyo akabalilo kala. Ugwe. . . Une ngabagila, mulimosa. Kangi une ndinkwinogona. . . Une nāli gwakutamigwa itolo, ukufuluganika. Ugwe utikumanya kwinogonaga bulebule. Ugwe ukabagila ukwinogona.

³⁸ Kangi une ndinkuti, “Tāta Gwakumwanya, linga kila kyāsanusyāga ukuti—ukuti ikipufuko kyābūkāga ukunyēga une, ena, unko une mmanye lilino, polelo une nguyobaga nakimo ikya ikyene. Itikisya u lwīmiko Lwāko na maka ukwisa pa une kangi, nukufyusya une mmwanya kangi. Pamo, itikisya u lwīmiko Lwako ukwisa pa une, kangi polelo une—une ngumanyaga polelo ukuti ikyene kyanusyaga—ikylene kyanusyaga ikyo, kangi polelo une mbagile ukukifisa ikyene kwa nimwene.” Kangi nakimo kilinkubombigwa.

³⁹ Popapo polelo une ndinkuti, “Polelo, Ntwa, linga ikyene kyanusyaga ukuti Ugwe kutumaga Abatumīgwa Bāko bu tumigwe bwāngu, polelo unko a maka Gako gali isaga kangi.” Ikyene kyāfwēne kyalinsosisyepo une ukufuma nkyūmba!

⁴⁰ Palema, une—une nīsile kwa nimwene, ni Bāngéli lyāngu nkiboko kyāngu, polelo, muketile, kangi ngunsuma Kyala ukundula une. Kangi akabalilo kako une nābombile, Umwene—Umwene ālināngisye une ikindikimo mu Lisimbo, ikibombambombo kulakula ku kyene, palapala pala. Kangi une ndinkwīnogōna, “Ngimba kila kyābagile nalōli ukuya kila? Ngimba une nābōmbile bulebule kila?” Kangi, o, une—une ngutoligwa ukulīngānia ifindu ifi, bakamu. Ikyēne kyo kikīnde kalikōsa une mmēnye. Muketile?

41 Unkasi gwāngu yo nkīkūlu unkīndáne, yumo mwa banunu ukukīnda-bōsa nkīsu. Loli, akabalilo kanini, une ngaayobile nakandu nakamo isya ikylene. Une ndinkukindilila. Umwene aamenye kyalipo ikindukimo kyabonike. Polelo akabalilo kako une nalimbulile umwene, umwene alinkuti, “Ugwe umenye, Bill, une ngukuketa ugwe kangi ngukukupilika ugwe, mu findu fingi fila.” Alinkuti, “Ugwe umenye une ngwitika ugwe ni ndumbula yangu yosa,” umwene alinkuti. Umwene alinkuti, “Loli ikyo naloliloli kyāli ni kindukimo.”

42 Ikyēne itolo kyābonekàga, itolo kikunjūgània une, ubulūdume bula kangi ukwīsa nubwēngo kwa bala a Bāndūmi bo lula, bahano ba abene palikimo, mu—mu buyēngo bwa bēne. Ngati, mu luko lwa ngati—ngati une nāli nayo i piramidi yila yāsīmbigwe apa, muketile, abēne bābonekaga ukuya, pa kwānda, abēne bābonekaga ngati, luko lwa i . . . mbutali, abēne bābonike luko lwa ngati ilāngi yila ya ngungubiya. Kangi abene bāli mu—mu kwisa ukufuma ku njila *iyi*. Kangi abene bāli, bikuboneka ngati, yumo, babili; batatu, bana; kangi polelo yumo palapala pa mwanya, muketile, ukupela bahano. Kangi abēne bikwīsa nu bwēngo bo lula! Kikayapo nakimo, nasimo indege, umma nakimo ikīngi kibagīle ukwifwānikisya na *kila*.

43 Kangi une mbagīle itolo ukubabona abēne, kangi imitu gyābo luko lumo bāsanukīle njila-ya-ndubafu. Amapiko gala gīnukīle kunyuma, gīswīle-ni-fyābwīte, kangi apa abēne bikwīsa, popāpo “Whuu!” Bo *ulo*. Itolo ukwīsa palapala pāsi, kangi itolo ukunyēga une mulamula nkati mu piramidi ya buyēngo bwa bēne. Une ndinkukēta une nāsōkilēpo, mmwanya ukusōkapo pa mfu. Une ndinkwinogōna lumo. . . Une nāpilike, mūla mbutali, ukulūduma kula, “Whuumu!” Ngati i—i—i indege akabalilo kākō iyēne yikukilania u mpaka gwa kōgo, umwe mupilike ikyēne kikuboneka bo ulo, itolo ngati ukulūduma kwa pabutali.

44 Une ndinkwinogona, “Iki kibagile ukusanusya lilino, akabalilo kako imboniboni iyi yikusokapo pa une, ukuti une nguyaga pakugogigwa ni kipufulo pamo ikindukimo.” Une ndinkwinogona, “Apa une ndipo. Une mfyusyigwe mmwanya. Une ndi . . . abene, abene bali apa pabuyobumo, une ndi—une ndi mu iki, i piramidi iyi iya Bāndūmi apa. Loli, une—une ngamanya. Lumo u Ntwa ikwisa ukunyēga une ku Kāya.”

Polelo une ndinkupilika Yosefu pāsi pala, ikuyoba, “Bāba?”

Ndinkwinogona, “Umma, linga ikyo kyo kyene, ikylene angali kimmwegile umwene, yōpe.”

45 Polelo i Kindukimo kilinkuti, “Ugwe. . .” Kumbukilaga, une ngugulila, ngukētesya kuli i Ndumi iyi une bwila ngugūlila, ikindukimo.

46 Kangi i mboniboni, i lisiku limo, umwe mumenye, mumo une nāyilile apa pakaya patali'mma, ukumbula une isya iki kyatigi

kibonekege, mumo une nalumbililaga nkati, ukufuma ku lisuba, ukubuka mbuyo ubu. Kangi—kangi polelo Umwene alinkuti, “Lilino kumbukilaga, ubunoge bwakibili bukáli bukwisaga.”

Une ndinkwinogona, “Pisakuyapo i Ndumi.”

47 Mukukumbukila i Ndumi yangu apa? Ukwígúla kwa ibwe-lyapantu lila, kúko, amasyu mahano-na-mabili ni fungílo isi nsita nukusímbigwa mu Lisyu Iya Kyala. Mukukumbukila? Kangi ikyene kyālinyēgile une mu piramidi yila.

48 Kangi Junie Jackson, linga ugwe uli apa, i njosi yila iyi ugwe umbele une pakaya patali mma. Une ndikuyibūlaga iyēne ulubunju ulu. Ugwe gwaali fiyo...Kyala āli nubupelelesye fiyo. Kangi nhobokela une panongwa ya kusita kubapa umwe ubulinganio; panongwa yakuti, une nakibwene ikindukimo kikwenda.

J. T., ikindu kilakila, muketile. Kangi une—une—une nāménye ikyo.

Kangi Kalumbu Collins, katikati mulamula. Muketile?

Kangi ntāndatu mwa bala, ukulongolela kulakula ukutalula ku kindu kilakila.

49 Kangi polelo imboniboni iyi une mbabulile umwe mwēsa, ifyinja ifi fikindilepo, iyene yābonike itolo ilisiku ilīngi. Muketile? Ikyo kisakuboneka.

50 Kangi pala ikyene kili, kilambaléle palapala, kilikyosa kilāmbaléle palapala pala. Ikyene kyo itolo kindukimo kikwēnda. Une ngamanya iki ikyene kili. Kyala ndula une; lo lwiputo lwangu.

Unko uswe twipute.

51 Tāta Gwakumwanya, uswe tuli—uswe tuli itolo bākufwa, kangi apa uswe tukwīma ulubunju ulu. Kangi, Ntwa, une... Ugwe gwalindumile une ukulongosya aka timo akanini aka ni kipanga iki. Kangi une ndi kubumalikisyo bwangu. Une ngamanya i njilanki, fiki, kūgu, kikwisa. Loli une mmenye ikindu kimokyene iki, ukuti, Ugwe uyobile ukuti Ugwe kupelaga “filifyosa ukubomba palikimo kubununu ku bene bala” bikukugana Ugwe kangi bakukoleligwa ukufwana nu bwīgāne Bwāko. Une ngukusuma Ugwe, Kyala, ukuti ikiboko Kyako ikikulumba ikya kisa kikuyaga pa uswe.

52 Uswe naloliloli tumenye ukuti Ugwe gwe Kyala. Kangi uswe tumenye ukuti Ugwe ukaya yumo uyu ālitūgéle mmasiku aga gakindilepo, lōli Ugwe uli mūmi pōpe umwīsyúgu. Ugwe bwīla gwāli Kyala. Ugwe bwila kuyaga Kyala. Ugwe gwāli Kyala bo kakāli akabalilo, kangi Ugwe kwisakuyaga Kyala akabalilo kākō kukayako akabalilo kangi mma. Ugwe pōpe kuyaga Kyala.

53 Kangi uswe tuli mmaboko Gako, Ntwa. Uswe tuli itolo mfu, kangi Ugwe gwe Mbūmbi, u Mbūmbandeko. Būmbaga imyūmi

gyĩtu, Ntwa, mu njila iyi kisakukabaga ububōmbelo ubununu ukukĩnda ukukuyĩndika Ugwe. Tupaga ikyene, Tata. Uswe tuli itolo mmaboko Gako.

⁵⁴ Uswe tukāli ni njila nayimo iya kwĩtwāla twībène apa, pamo uswe tukamanya mūmo uswe twisakusōkēla pānja. U Ntwa, Ugwe kutupa kwa uswe u bumi, kangĩ Ugwe uli... Uswe tukupa umyumi gyĩtu ukugomokela kwa Ugwe, kangĩ, mu njila yila, Ugwe upele uswe, mukupyānikisania, u Bumi Bwabwilanabwila. Ulwĩtu ulwĩtiko lukutūya ikyo nkati mu mbūndu bwĩtu bulabula. Kangĩ uswe tukuganile Ugwe panongwa ya iki, panongwa yakuti uswe tumenye ukuti ilisiku limo uswe twisakukubonaga Ugwe, kangĩ Ugwe kwisakuyaga mu lwimiko Lwako. Kangĩ uswe twisakunketa Umwene. Kangĩ uswe twisyukile ukupilika amasyu gala, “Ikyene kyabombigwe mbununu, gwe nnunu kangĩ nsūbiligwa mbombi Gwangu. Ingilaga mu sangaluko sya Ntwa, isi sitendekesígwe kuli umwe ukufuma ku lwālo lwa kĩsu.” Mpaka akabalilo kala, O KƳala, akabalilo kako uswe twesa twagene, tulongolela uswe.

Uswe twe babombambombo Bako, kangĩ uswe tukusuma ubuswe bwa mbibi syitu.

⁵⁵ Imboniboni isyamaka isi, Ntwa, sifwene fiyo ku mbombi Gwako. Une ngamanya isyakubomba. Une—une itolo mmenye isyēne sikwĩsa. Kangĩ une mbagile itolo ukuyoba iki une nākētile, kangĩ iki ikyēne kyāyobigwe. Kangĩ utubalilo tumo ikyene kikundetemesya une, gwe Ntwa. Kangĩ une—une nguswiga kyo kiliku ikyakubomba.

⁵⁶ Polelo une ngwēga i Bāngēli nukubala mula mūmo Yesaya abagile ukwĩpilikila i lisiku lila mu tempeli, akabalilo kako umwene aketege a Bāndumi bala, amapiko pa malundi Gabo. Yo nongwa umwene akūtīle panja, “Aheli yo une! kabuno amaso gāngu galubwene u lwimiko lwa Ntwa.”

⁵⁷ Kangĩ ikyene kyāli pala u nsololi alinkukūta panja: ukufuma pāpo umwene āsukígwe mu tempeli, akabalilo kāko u Gwāndūmi ālyēgile ifikoka nukwakwēga amakala ga Moto nukulāmbalika ikyēne pa milomo gyāke; ukufuma pāpo umwēne ālatile ukuti umwēne āli nnyāmbāla gwa milomo imibwāpufu, nukwītūgāla na, nkati mbāndu ababwāpufu. Napāpo, umwēne āli nsololi. U Gwāndūmi alinkwēga ifikoka nukubīka amakalasila ga Moto pa milomo gyāke nukunsuka umwēne, kangĩ alinkuti, “Lilino būka, kasolole.”

Ntwa KƳala, Yesaya alinkukuta, “Apa une ndipo, Ntwa. Nduma une.”

⁵⁸ Akabalilo kako, Umwēne aayobile, “Ngimba ywani ikutubūkililaga uswe?” Kabuno ingulilo yila mbiibi kangĩ yabulogwe!

⁵⁹ O KƳala, unko ikyene kīyandisye kangĩ. Unko ikyene kīse kangĩ, O Ntwa. Tuma u Mbepo Mwikemo nu Moto gwakusuka.

Kabuno, une ngwilāta, une ne milomo imibwāpufu, kangi ngwitūgāsya nkisu iki apa na bāndu ababwāpufu. Kangi uswe tuli babwāpūfu mmaso Gāko, Ntwa. Lōli, o, tuma a maka, u Mbepo Mwikemo! Tusukaga uswe, O Ntwa. Kemēsyağa ugwambombo Gwako, gwe Ntwa.

⁶⁰ Kangi polelo yoba, Ntwa. Ugwambombo gwako ikupilikila. Une nisyukile ukupilika i Lisyu lila. Une Yone Gwako. Mbombela une, Ntwa, mūmo Ugwe kukētēla kyākufwana, bo une ngwilambalika nimwene pa kigemo Kyāko. Itikisya u Mbepo Mwikemo ansukege une, Ntwa; nukupaka nukutuma panja, Ntwa, linga Ugwe kulonda umunduyumo ukubuka, linga iyi yo sala kangi aka ko kabalilo.

⁶¹ Une—une ngamanya, Ntwa. Une—une itolo mmenye ukuti une mbabwēne a Bandumi bala. Kangi Ugwe umenye ifindu fila ukuya katikati Bwanaloli. Kangi une ngusuma, Ntwa, “Aheli yo une,” polelo ndula une.

⁶² Kangi lilino sayaga abandu aba. Kangi uswe tuli apa umwisyugu, bo lisiku-litasi lya kabalilo aka kupapigwa kwa Ntwa gwitu. Uswe tukusuma ukuti Ugwe kututulaga uswe.

⁶³ Kangi ulubunju ulu, ugwambombo Gwako, gwitu Nkundwe Neville, ipilike ukuti lumo akēne kakuyaga kabalilo ukuti umwēne abagile itolo ukutūsya utubalilo tunīni, kangi lumo une mbagile ukuyoba. Kangi une—une ngusuma ukuti Ugwe kundulaga une lilino.

⁶⁴ Balipo abo apa, Ntwa, kangi twesa ba uswe, tuli mbupinā bwa Ugwe. Popāpo uswe tukusuma lilino ukuti Ugwe kutusayaga uswe bo uswe tukubala i Lisyu Lyāko nu kwinozonela ku kabalilo kanini. Itikisya u Mbepo Gwako ukwisa pa uswe, Ntwa. Kangi nukutusuka uswe nukutubika uswe pa Moto, nu Mbepo Mwikemo, ni Ndumi ya Kyala, kipūpwano ukufuma ku kigemo, ukuyūgānia ikisu iki kikufwa, bo akāli ukusegelela unkulumba Kyala Gwasyēpwa. Kabuno uswe tukusuma ikyene mu Ngamu ya Yeso, u Mwanundumiana Gwake umpala, kangi u Mpoki gwitu. Amenī.

⁶⁵ Lilino une ngunyonywa ukubilikila ku butegambulukutu bwīnu ku Lisimbo limo apa, kangi utusīmbe utunini, utu une nāsimbile pāsī.

⁶⁶ Kangi une ngwitika, Doc, pamo Billy, pamo yumo mwa bēne ālimbūlīle une, aba bikulōnda ukwitikisigwa pānja panini panandi ukwāndāna, pa nongwa ya bānike. Abēne bali nato utwābūpi ku kyēne.

⁶⁷ Umwe bīnitu banini mwe itolo mukusōka ukufuma ku sukulu yīnu ya pa Ndungu, umwe—umwe syalaga ukusyūngutīla itolo akabalilo kanini. Iki uswe tukuyoba ukufuma apa fibagile ukuya panini fisolofu kuli umwe, loli umwe—loli umwe itolo mwitugasye kimyemye na māma na bāba, ku maminiti manandi. Une ngulonda ukuyoba ku bene.

⁶⁸ Lilino, ukukilania mu Masalimo, Isalimo lya 89, une ngulonda ukubala ilinandi pamo mabili, aga Lisalimo lya 89. Une nguyaga pakugela ukubala lya 50, lya 51, kangi lya 52 amanandi ga Masalimo 89.

⁶⁹ Lilino, ngimba umwe mubagile ukupilika injila yosa kunyuma mu nyuma, umma ndaga? Linga umwe mubagile, fyusya ifiboko fyinu. Polelo une... Kyo fiki i... Ngimba fyōsa ifyakuyobelāpo fyābūmi ifi? [Unkundwe ikuyoba, “Une ngamanya.”—Nsimbi] Ngimba *iki* kyo kinnunupo, pamo *iki*? Kyo *iki*? Kyo *iki*? [“Fibili ifi pa lubafu fili nu būmi.”] Papapa apa, fibili *ifi* pa lubafu? [“*Iki, iki, kangi iki.*”] Umma ndaga.

⁷⁰ Une ngamanya kali abene bikuyaga pa kwēgelēla-pa-tepi iyi pamo mma. Ikyene kyo itolo luko lumo lwa kisitakugūliligwa ulubunju ulu.

⁷¹ Loli komma ukwiibwa lilino, yaga nabo abinīnu bosa. Kangi une—une ngulōnda umwe ukuya basisimikisye, kifuki, gela ukubūka ku lukomano lwa Pandungu ugu gukwīsa.

⁷² Abēne lululu ulu bikuyaga ni kipānga kimalisigwe lōsa apa, une ngusakisya. Kangi une ngwīsa—une ngwīsa kuyaga ngomokile polelo panongwa ya iki, ukulumbilila i Fūngilo Ihano-na-ibili, linga ikyene kikuyaga bwīgāne bwa Kyala, ukufuma mu Lisimbo apa.

⁷³ Mwa Buku gwa Masalimo, untu gwa 89, ukwanda pa linandi lya 50. Pilikisya kifuki ku bubale bwa Lisyu lilino.

Kumbukilaga, Ntwa, ulufuyulo lwa babōmbi bāko; mūmo une nalōli ngupīmba nkipāmbāga kyāngu ulufuyulo ulwa bōsa abāndu abamaka;

Kuli iki abalugu bāko bafūywīle, O NTWA; kuli iki abēne bafūywīle amakato ga bapakigwe bāko.

Asayigwege u NTWA kuli bwilanabwila. Ameni, kangi Ameni.

⁷⁴ Une ngulonda ukuyoba kwa umwe pa tubalilo tunini pa... Une ngulōnda ukung’wāla ikyo, tāsi, nukubala ikyo ukwāndisya kangi ukwāndisya, nalōli kanunu. Lumo ikyēne kiliyaga kifisalyoyo ukubala kangi lululu lilino. Pilikisya kifuki lilino. Muketile?

Kumbukilaga, Ntwa, u lufuyulo lwa babōmbi bāko; mūmo une nalōli ngupīmba nkipāmbāga kyāngu u lufuyulo ulwa bōsa abāndu abamaka;

Kuli iki abalugu bāko bafūywīle, O NTWA; kuli iki abēne bafūywīle amakato ga bapikigwe bāko.

Asayigwege u NTWA kwa bwilanabwila. Ameni, kangi Ameni.

⁷⁵ Fundaga Ilyene kifuki, mumo Davidi aayobile ikyene. Une ngulonda ukubombel’imbombo ukuya lisimbo... Ikyene kyo

kihessa fiyo, linga untu gwa Krismas kang; loli mumo une nālumbililaga u Ndungu ugu gukindile pa busimbe ubuhessa. Une ngwibwa iki ikylene kyāli lilino. Ikyēne kyāli i...[U nkūndwe ikuyoba, “*I Kisu Kikulakatukila Pāsi.*”—Nsimbi] Nhobokela? [*“I Kisu Kikulakatukila Pāsi.”*] Ukugwa: *I Kisu Kikulakatukila Pāsi.*

⁷⁶ Lilino une ngulōnda ukubōmbel’imbombo ukuya kasimbe, u Ndungu ugu: *U Lufuyulo Kuli Nōngwa Ya Lisyu.* Lilino unko une ngwandissa ikylene kang, naloliloli kanunu. I... *U Lufuyulo Kuli Nōngwa Ya Lisyu.*

⁷⁷ Kyala ali na kabalilo, kang i nongwa ya kabalilo kala, ukufwanikissa a Masyu Gake gōsa. Kyala amenye itolo katikati iki Umwene ikubombaga. Uswe umma. Uswe itolo tukufimbilisigwa ukwambilila ikylene bo Umwene ikukipa ikylene kwa uswe. Loli, Umwene amenye, kang kikayapo nakimo iki kikubukaga mbusobi na iki Umwene—Umwene abātike ukubomba. Ikyene kyo kyosa kikufimbilisigwa ukwisapo. Pala pikufimbilisigwa ukuya, utubalilo tumo, ifindu fyamagengelema kang fikafu, ukutwāla panja itolo ikyanalōli, ikipeligwa kyabwanaloli kya kyōmbo.

⁷⁸ Umwe mumenye, ifula yikupāpigwa nkati mu mwamabwe, mwamagengelema, ukupulanigwa ni njasi, mmyānya igyakulūduma. Kang linga uswe tukāli ni fula, uswe angali ukutaya būmi. Lōli umwe muketile iki ikyēne kikwēgēla ukutwāla ifula? Ukulunduma, injasi, ukumulika, u bukalale. Kang ukufuma mula kukwisa ifula.

⁷⁹ Imbeyu yikufimbilisigwa ukufwa, ukubola, ukunnyasya, ukunūnga, kang ukugomokela ku lufumbi lwa kisu, ukuti kitwale panja u bumi ubupya.

⁸⁰ Ikyēne kikwēgēla ukutika kwa golidi, asanusigwe ukwāndissa kang ukwāndissa, kunyuma na kunyēni, nukutika mpaka fyōsa ifinyali fyēgigwe panja pa ikyēne. Komma panongwa yakuti ikyēne kikumulika, nongwa yakuti ikisulu kya pairaiti, iki kimanyigwe ukuya golidi gwa batoyofu, kikumulika ngati golidi gwabwanalōli. Lōli, ugwe bika ifibili fila palikimo... ugwe pāngania ifyēne panja ku lubafu lumo, ugwe napanini ukubagila ukuyoba ifyēne ukupāgulia, loli fibika ifyēne palikimo, ugwe ubagile ukuyoba ikylene. Kang untiki akabalilo kōsa ikufimbilisigwa ukutika mpaka umwēne—umwēne ikukēta ikifwāni kyāke kyēne kikundalika mwa golidi.

⁸¹ Kang Kyala ikupāngania a kabalilo kang ali ni fundo ku kilikyosa iki Umwene ikubomba. Kikayako nakimo kikuboneka itolo mwa soka ku bala bābo bānganile u Ntwa kang babilikigwe ukufwāna nu bubilikile Bwāke. Muketile? Uswe tumanyigwe-ngānila. Kang kilikyosa kikubomba itolo kanunu, panongwa ya ikyo, panongwa yakuti Umwene akabagila ukusyoba. Kang Umwēne āyobile ikyo kyāli lūlo, ukuti

kilikyōsa kili na kabalilo kāke, utubalilo twāke, kangi ikyēne kili ni njila yāke. Kangi Kyala ali kunyuma ku bugūte bulibōsa. Kangi utubalilo tumo ugwe kwinogona ukuti kilikyosa kikubukaga mbusobi. Ikyēne kili kwa uswe. Ifīndu fila fibīkīgwe pa uswe, ingelo nu kuswīga. Ikyēne ko kugela, ukukēta mūmo uswe tukugomokesyaga pa mbombo yimo.

⁸² Akabalilo kamo aka kakindile mula, mmwanya mu Vermont, Nkundwe Fred na une twabukile ukukilania pa lubafu lwa New York, ukukilania pa Sumbi Champlain, kangi uswe twāfikile kula ku lubafu lwa New York. Kangi une nābūkile kumwanya nkyāmba kūko kila, pamwanya pa Kyāmba Hurrricane, kūko une nālisibile ukufwīma. Kangi pala une ngukumbukila akabalilo kako une njongege, kangi mumo fikuti Kyala ālīndongolile une ukugomokela, itolo na Mbepo Mwikemo mwene, ukwisila mu mbelo. Ikyo, une āngāli mfwīle, ukupyūtigwa, kangi yōpe āngāli u nkasi gwāngu na Billy, ukusuluka kubugonelo amamailosi kubutali. Kangi une ndinkusyumbutusigwa.

⁸³ Kangi pala galipo itolo amatalala manini uswe twālikwābilēmo ukukīnda, ukufika mula mu bugonelo, kubwāndilo bwa tubalilo twa bulēnge. Kangi une nālimile pala nguyoba kwa Nkundwe Fred, kangi u Mbepo Mwikemo alinkuti, “Buka panja kwa gwimwene.” Kangi une ndinkusokamo ndusingi akabalilo kanini, ubuyo. Umwene alinkumbula une, “Kilipo ikipīngo kitēgīgwe kuli ugwe. Gwandege lilino.” Loli Umwēne akālimbulile une bulebule, fiki. Une ndinkugomokela nukumbula Nkundwe Fred.

⁸⁴ Ndinkubuka ku kipanga ikilo kila nkyumba, ukufumunya ikyene ku bandu. Kangi ikilo ikikōnge ikyene kyābonike. Kangi polelo nimile pala akabalilo kako Umwene ambulege une, pamwanya pa būgili bamo, Umwene alinkuti, “Ikyēne kili mmaboko gāko. Bōmba na bēne. Kilikyōsa ugwe kuyoba, kisakuboneka lululu lilino.”

⁸⁵ Mwakēta umwe lēlo. Kūla, umunduyumo unsitaluyīndiko, nsitakyala, kangi abene basekaga nu kūgila u lukomano, unnyambala unkeke nu nkikulu unkeke. Kangi umwēne unyāmbala āgelāga ukulogwa ukutēndeka-ulugano nu mwēne unkikulu nkiyūmba; kangi ubutego bwa aligwēsa, akabalilo kāko une nāgelāga ukulūmbilila. Kangi nukukwāba untu gwāke gwankikulu kunyuma nukwītoga pamwanya mu ndapandapa syāke, nukusopa untu gwāke gwankikulu kunyuma nukugela ukumfipa umwēne, kangi ukukīndilila nkyēni bo lula mu lukomano, ukukwāba ulutēgo lula.

⁸⁶ Kangi u Mbepo Mwikemo alinkuti, “Lilino umwene yo. . . Abene bali mmaboko gako. Ngimba ugwe kubombaga fiki na bene?”

⁸⁷ Pala pālipo i kimyemye ikikēmō. Aligwēsa ālitūgēsye kimyemye bobafwe. Kangi une ndinkwīnogōna, “O Kyala,

ngimba mbombe fiki une?”

⁸⁸ Polelo une ngukumbukila, linga ikyene kikaali ukusoka kwa Mbepo Mwikemo, amasiku mabili pabutasi. Une ndinkuti, “Une ngubaswaga umwe.” Lilino, ikyo kyo iki Umwene aalondaga une ukuyoba. Muketile?

⁸⁹ Panongwa yakuti, ukufuma fyōsa, une—une ndintobesigwe, lumu komma ifya ikyo, lōli ntobesigwe. “Kangi ntobesigwe gwa kinīni kokuti gwa fyōsa.”

⁹⁰ Polelo une ndinkuti, “Une ngukuhobokela ugwe.” Kangi pala balipo abaketi bitugesye apa lilino, bāli pala akabalilo kala. Polelo u Mbepo Mwikemo alinkugwa ukwisila.

⁹¹ Lilino, umwe muketile, une ngwitika ukuti ifindu fyosa ifi fyali nu lusanusyo. Ngimba ugwe kubombaga fiki na maka? Ngimba gwābagile bulebule ugwe, muketile, ukubōmbapo pa kabōmbo? Ikindukimo iki kīsile ukuya kabōmbo, polelo ugwe kubombaga ngapo bulebule ku kabōmbo kala? Ngimba umwe mukupilikisya iki une ngusanusya? Ngimba ugwe kubombaga fiki? Kangi lumo fyosa ifi fibombigwe mpaka kūko uswe tuliko lilino. Une ngamanya. Une—une itolo ngabagila ukuyoba. Loli bwila yilipo injila yimo. . .

⁹² Kangi kumbukilāga ikyo, ulufuyulo lwa—lwa Lisyu luli. . . I Lisyu akabalilo kōsa lipīmibile ulufuyulo. Mōsa ukukīnda i ngulilo, i Lisyu ilipakigwa ilya Kyala akabalilo kōsa lifūyuligwe. Kangi iyo yo nongwa ikyene kikafu fiyo ku bandu aba batikupilikisya, babagile ukumanyaga ukwitikisigwa ulufuyulo lula.

⁹³ Ngimba umwe mubagile ukukūmbukila abafūndigwa bikugomokela nukusangaluka panongwa yakuti abene syābafikile ukuti abene bābaligwe bakufikapo ukwima ulufuyulo lwa Ngamu Yake? Umwēne alinkuti, “Bōsa aba būmi mbunyakyāla mwa Kristi bisakupimba ulufwīmigwe,” ulufuyulo lwa Lisyu.

⁹⁴ Ugwe akabalilo kōsa kufīmbilisigwa ukwīkasya u lufuyulo ulu ukuti upīgwe ulugelo lwāko, ukukēta. Unnyambala aligwesa uyu ikwisa kwa Kristi abagisenie ukuya mwāna-mmanyisigwe, kuli i—kuli i nongwa iyi Kyala asayile ugwe. Kangi kumbukilaga, linga ugwe ubagile itolo ukumilisa ukuya kimyemye! Kumbukaga, linga Umwene akukōlile ugwe panongwa ya iki, kikayapo nakimo iki kibagile ukukikyunga ikyene kukuboneka. Gikayako imisyetano igwakufwana mbutolwe, loli iki i Lisyu lya Kyala lisakubonekelaga pabwelu. Ugwe upāpigwe pa nongwa yimo, kangi nayumo abagile ukwegu ubuyo bwāko. Ugwe ubagile ukuya nabo abakwegelela na filifyosa ifingi, loli abēne batisamo siku ukwēga ubuyo bwako. Kutalusya. Iisyyu lya Kyala likupōnjolāga. Ilyēne likabagila ukutoligwa. Apo po pāpo u Nkristi aligwesa ikufimbilisigwa ukwima, ikumanya ikyo—ikyo. Kangi ingelo sisakwīsapo, nukuboneka injila yiliyōsa, kwa

ugwe. Lōli kumbukilāga, Kyala ali ni fūndo, kang'i ikyēne kyōsa kisakubōmba kanunu.

⁹⁵ Lilino unko uswe itolo tukolele kunyuma i—i ifyakubōmbigwa fya Lisyu lya Kyala likufwanikisigwa, kang'i bala babo bāpīmbile i Lisyu mu ngulilo yabo.

⁹⁶ Une—une nīpilike mwa Mbepo, pakaya patali mma, ukuti yumo ālōndag'ubusobi mwa une. Ikyene lumo kyāli mu kisu kya tepi. Isya kabalilo kōsa ukusōsōla fiyo, ukugomokela nukupīmba abakine ba i Bāngeli pa iki une nguyoba. Mulimōsa, une ngobōmba ikyo kuli fūndo. Ili Bāngeli liyobile ifindu ifi fisimbigwe ukuti uswe tubagile ukufiketa ifyene. Kang'i iyo yo njila yene, kisita bumanyili, injila yene iyi une mbagile ukubomba, ko kugomokela kunyuma nu kuyoba, “Umwe muketile kūko *iki* kikwīma, iki kyābonike ni kyēne, kūko *iki* kyabonike pa buyo.” Muketile? Kang'i polelo ugwe itolo kwībika gwimwene nkati mula.

⁹⁷ Mūmo une nālumbililāga, pakaya patali mma, pa ndumiana unnini panja pa sitima, umwe mumenye, kang'i—kang'i u kapitao unkangale āfwāga. Umwene āli mbine. Kang'i umwene alinkusuma linga pakalipo i Bāngeli nkati mula. Kang'i abēne bālīmmwāgile undumiana unnini uyu āli ni Bāngeli, kang'i umwēne ikwīsa nukubala Yesaya 53:5. “Umwene afulasigwe panongwa ya ngilania syitu, aakuyubuliigwe panongwa ya butulwanongwa bwitu.” Kang'i umwene alinkuti, “Unko u... Unko une ngubūle ugwe, kapitao, mūmo fikuti māma gwāngu ābombelāga ukubala ilyene.” Alinkuti, “Iyi yo njila umwēne āsīmbile ilyēne: ‘Umwēne āfulasigwe panongwa ya butulwanongwa bwa Willy Pruitt. Kang'i umwēne ākomigwe panongwa ya Willy Pruitt. Kang'i fyōsa ifindu ifi Umwēne abōmbigwe, fyāli panongwa ya Willy Pruitt.’” Yila yāli ngamu yāke.

U kapitao unkāngale alinkuti, “Une nkiganile ikyo. Ngimba ugwe ubagile ukubala ingamu yangu mu kyene?”

⁹⁸ Umwene alinkuti, “Une ngugelaga.” Kang'i umwene alinkuti, “Umwene afulasigwe panongwa ya ngilania sya John Quartz. Umwēne ākuyubuliigwe panongwa butulanongwa bwa John Quartz. Kang'i ni filusye Syāke u John Quartz ābūmbulusigwe.”

Umwene alinkuti, “Une nguketa ikyene.” Kang'i u Ntwa alinkumbubulusya umwene. Muketile?

⁹⁹ Bala ingamu yako mu kyene. Umwene afulasigwe panongwa ya mbibi sya William Branham. Umwene ākuyubuliigwe panongwa ya butulwanongwa bwa William Branham. Umwene ābombile kila panongwa ya une, kang'i Umwene ābombile kila panongwa ya umwe. Bala ingamu syinu mu kyene.

¹⁰⁰ Ena, iyo yo njila iyi une ngulonda ukutwala a Masimbo ku bandu bangu—bangu, kyo iki Umwene aabombile kuli u munduyumo uyungi uyu aalimpilikile Umwene. Iki Umwene

aabombile kuli u munduyumo uyungi uyu aali gwabwanaloli ku Nongwa, kangu iki Umwēne ābōmbile ku munduyumo uyūngi uyu āli nsitabwānalōli kuli i Nongwa, polelo ugwe bala ingamu yāko mu kyēne. Linga ugwe ufumile pakuya mula, bo bwīmīlilo buki āngālī ugwe gwēgīle? Kangu kumbukilāga, ugwe uli nu lusako, umwīsyūgu, ukwēga uluko lulalula ulwa kwīma.

¹⁰¹ Akabalilo kako, Noa, pa lufuyulo lwa Lisyu ili Kyala aayobile ku mwene. Noa, lwālipo ulufuyulo. Noa ālitūgēle mu ngulilo yasayansi, kūko fyālīko ifyakukaba ifyasayansi ukuti abēne babagile ukubūmba, ukuti abēne bālī bakīnde kilikyōsa iki uswe tubūmbile umwīsyūgu. Abēne bālī bakomupo, bāmahalapo. U sayansi gwābo āli kubutali gwapamwanya, kwa gwītu. Kangu itolo kumbukilaga, umwene afimbilisigwaga ukwimila ulufuyulo lwa Lisyu ili umwene alumbililaga, ifyinja mia yumo na malongo mabili, nkisyo kya būgīli. Injila yābo isyasayansi syāsisimikīsyē ku bēne ukuti yikālīko ifula mmyanya. Loli, pōpe, Noa aapilike i Lisyu lya Ntwa, kangu Ilyene lyalwanaga nu bwinogonelo bwabo bwa Ilyene. Popāpo, bo ubūmi bwāke bukālī ukupokigwa, umwēne ikufimbilisigwa ukwīma nkisyo nukupīmba ulufuyulo ulu abūgīli aba bamfūyulāga umwēne nago.

¹⁰² O, kukayapo ukwīlāmwa, abēne bābagile ukuti bālīpilike ubusulumanie kuli undūmbilīli unkāngāle yula. Abēne bākali nayo umwēne ukubīkigwa pabutali pamo kalikōsa, panongwa yakuti lumo sikālīko i nyūmba nyīngi isya luko ulu mu lisiku lila. Umwēne āli nsitakufulasya. Umwēne akāyaga pakumfulasya nayumo, popāpo abēne itolo balinkundeka umwēne pamwēne. “Kindililaga, u mūmīlīsi ugwaiyolo pamwanya pala ku lubafu lwa kyamba, ikuyenga i sītima panja apa kūko gakayako amisi. O, ena, umwīnītu unkangale umpelakisa! Loli,” kangu bikuyobi, “ko kugu ugwe kwagaga amisi gako, ukwelela ubwāto bwako, Noa?”

“Iyene yikusuluka ukufuma mmyanya.”

¹⁰³ “Butoyofu. Uswe tubagile ukutusulila u mwēsi ni ndondwa, na radara,” kilikyosa iki abene bālī nakyo. “Yikayako ni fula kumwanya kula.”

Loli umwene alinkuti, “Kyala āyobile Umwene ikuyaga pakubika gamo mmwanya mula.”

“Ngimba Umwene ikubombaga bulebule ikylene?”

¹⁰⁴ “Iyo yo mbombo Yake. Ikindu kyene iki une mbagile ukubomba ko kukusoka umwe ukusōka panja pa apa.”

¹⁰⁵ Ikyene kyo itolo kifwene na lilino. “Ngimba u moto gukufumila kugu?” Nkundwe, ikyēne kyo panini kypabwēlupo umwīsyūgu ukukīnda ikyēne kyayīlīle kuli kabalilo ka Noa. Uswe tutalile tukukēta kūko ugwēne guliko. Itolo gwītendekīsyē ukutika, ifyo fyo fyosa. Sayansi yitalile...Kukayapo ukulēya

akabalilo aka, na panandi, panongwa yakuti sayansi yitalile yigwagile ugwene. Ena, nkulumba.

¹⁰⁶ Polelo lilino uswe tukusyagania ukuti ikyene kyali kindu ikinywamu fiyo. Polelo abene balinkwipilika basulumanie panongwa ya ndumbilili unkangale umpelakisa, kang'i itolo nukundeka umwene abukege. Ikyene kyaali kindu kihesya, lumo, ku bandu bala, ukwinogona ukuti unnyambala uyu abagilile ukuya gwamahala, kang'i abagile ukwitika ukuti Kyala, u Mpele gwa kumwanya na pási, abagile ukubomba ikindukimo, pamo ukuyoba ikindukimo iki Umwēne áyága pakubōmba, iki kyāli kikīndane ni njila yābo iya kwīnogónela, iki abēne báli nakyo. Lumo umwe mukākipilikisye ikyene. Kéta. Áli. . . Abene binogonaga ukuti abene babāgīle ukusisimikisya i kindu kilikyosa mu sayansi yabo. Linga ulo lukaya luko lwa kīsu uswe tukwitūgalāmo umwīsyūgu, ikyākwīnogona, ikīsu ikyabumanyili kīswīle na sayansi! Kang'i kalikōsa aka abēne babāgīle ukusisimikisya, kila kyāli kisobi, ikyā Kyala. . . “Nayumo Kyala ābagīle ukuyobamo siku kalikosa aka (kāli) kābagīle ukusisimikisigwa mwasayansi ukuti ikyene kikāliko kula.”

¹⁰⁷ Lilino, abene bali ni fundo yilayila umwisyugu. Linga u ngānga gwāko ikuyoba ukuti ugwe uli na kansa, ugwe kufimbilisigwa ukufwa, kang'i u sayansi ikusisimikisya ukuti ugwe uli na kānsa, kang'i ikyēne kili mu bufikilo bwa bumalikisyo, ikyēne kyo butoyofu ukwīnogona kalikōsa akakīndāne, panongwa yakuti ugwe kuyaga pakufwa; ikyo kyo kyōsa. Sayansi yikuyoba ugwe kuyaga pakufwa. Abene bakukētesisye ugwe, kang'i ikyo kyo kyosa kya ikyene. Ugwe kuyaga pakufwa. Kang'i abene bikwinogona ukuti ikyene kitoyofu linga ugwe kugela ukuyoba ukuti Kyala aafingile ukubomba ikyene. Muketile, mumo ikyēne kyāyilile, ugwe kufimbilisigwa ukwima ulufuyulo lula.

¹⁰⁸ Abēne bikuyoba, linga u ngānga ikuyoba apa, “Uswe tukētile ukukīndāmo, kang'i u kansa akindilīle. Uswe twigwīle ugwe mōsa. Ikyēne kili mōsa ukukīnda mu mbili gwāko, kango ukukīnda i ndumbula yāko, ukukīnda amabagaya gāko, ukukīnda ikinie kyāko, mōsa mula. Ikyēne kyo kikabagīla.”

Polelo, umwe muketile, akabalilo kako ugwe kuyoba, “Loli umwene ikuyaga nu bumi, mulimosā.”

Abene bikuyoba, “Ena, umwinitu undondo, itolo ndeke umwene pamwene.”

¹⁰⁹ Une ngukumbukila ikilo. Bill Hall, Nkundwe Hall kula ku kipanga kya Milltown, bīngi ba umwe mukukumbukila u mbine yula. Kang'i akabalilo kāko umwēne. . . Abēne bālingōlile une pānja. Unkasi gwāngu, māma-unkoyi na une, twābūkile panja kula. Umwene alyēgīle u ndindwana uyu āli kalumbu, une ngusūbila, kwa George Cupp, āli yo mwene kaya gwa

kāya, pamo undongi apa. Ugwāke . . . Yula āli ndamu-nkundwe gwāke. Abēne bālintwēle umwēne kunokuno kuno ukufwa. U ngānga mu Milltown, u ngānga mu New Albany, bāgelile inongwa yāke ukuya kansa gwa kinie. Popāpo une ndinkubūka ukusuluka ukunkēta Nka. Hall. Kangi umwēne āli ni kiyīnja, kangi umwēne āli kiyīnja mōsa mu mbili. Kangi une ndinkuti, “Ena, une ngusakikisya umwene ikuyaga pakufwa.” Kangi une ndinkuti . . .

¹¹⁰ Umwene alinkuti, “Nkundwe Bill, ngimba yilipo injila yiliyosa iyi yilimo . . . Ngimba ugwe ubagile ukupilika ukufuma kwa Kyala?”

Une ndinkuti, “Une—une ngamanya, Kalumbu Hall. Une mbagile ukwiputa.”

¹¹¹ Une nāliputīle. Kangi une nāgomokīle ku kāya, kangi u Ntwa alinkuyoba nakimo kwa une. Polelo une ndinkugomokela, ilisiku ilikonge, kangi une ndinkwiputa kangi.

Kangi umwene alinkuti, “Ngimba ugwe umenye u dokotala ununu aligwesa?”

¹¹² Une ndinkuti, “Ena, u ngānga gwa kikolo kyītu yo Dok. Sam Adair, pāsi apa mu Jeffersonville. Umwēne yo—umwēne yo—umwēne yo . . . Tāta gwāke āli yo ngānga gwa kikolo kyītu. Unkeke Sam na une akabalilo kōsa twāli bīnake bapakipāmbaga, kangi—kangi uswe twābūkile ku sukulu kifuki akabalilo kamokēne, twākulile palikimo. Uswe akabalilo kōsa tukubūka ku mwēne akabalilo kāko kalikosa kasōbi.”

Umwene alinkuti, “Nguswiga linga umwene abagile ukwīsa ukunketa Bill?” undume gwake.

Une ndinkuti, “Une ngwakundalusya umwene.”

¹¹³ Ena, Sam ayobīle kwa une, umwene ātīle, “Billy, linga u ngānga āyobīle umwene āli na kansa,” alinkuti, “kilipo ikindu kimokyene itolo, une mbombe, une ngumtuma umwene ku muntu yumo uyu yo nkomupo ukukinda une njiḷile, ku mmang’anyi. Kangi uswe tukwegaga ama x-ray; kangi uswe tutisakumbīka umwēne pāsi pa lutamio lulilōsa kāngi.”

¹¹⁴ Uswe twaatumile ku New Albany kangi tulinkuya na ma x-ray ukufuma ku ngānga kula. Twālimmwēgile umwēne ku Louisville nukungela umwēne, twālimmwēgile umwēne kula mu ambulāsi, nukuntwāla umwēne ukugomokako.

¹¹⁵ Ena, ena, umwene akābagile ukuyobaga kwa Nka. Hall iyi yāli ndamyō yake, polelo umwēne ālingōlīle une. Umwene alinkuti, “Umwene ikuyaga pakufwa,” alinkuti, “undumbilili gwako umwīnako.” Alinkuti, “U mmang’anyi mu Louisville angōlīle itolo une, kangi āyobile, ‘Ulugelo abagānga bapēle mu—mu . . . ukusuluka mu Milltown; kangi u ngānga, New Albany; bāpēle uluko ulutalusye ulwa lugelo.” Kangi alinkuti, “Ikyēne yo kānsa gwa kinie, kangi ikyēne kyo kikindilile.

Kangi, Billy, uswe tukabagila ukutumula ikinie kya mūndu, kangi umwēne nukuya mūmi.” Alinkuti, “Umwene ikuyaga pakufwa. Kangi linga umwene yo ndumbilili, umwene abagisenie ukwitendekesya.”

¹¹⁶ Une ndinkuti, “Ilyo likaya lilaalusyo. Loli umwene akaya gwakukīnda kifuki ifyinja malongo mahano na fihano, polelo umwene akaali ali nu bumi bwingi mwa umwene akaali, ukulumbilila.” Kangi une ndinkuti, “Ena, linga umwēne isakufwa, ikyo kikumasya ikyēne polelo. Ndaga ugwe, Dok. Sam.”

¹¹⁷ Kangi une ndinkubūka kula nukubilikila Nka. Hall panja, kangi une nālimbūlile umwēne. Une ndinkuti, “Nka. Hall, Sam alinkuti ubupima-mbungo bwa Louisville kula bwāli mulamula mo mumo bwayilile mu New Albany na Milltown. U nnyambala ikufwa. Nkundwe Hall ikuyaga pakufwa. Kangi umwene ali na kansa mu kinie, kangi ikyēne kikīndilile.”

¹¹⁸ Kangi polelo umwene alinkwanda ukukūta. Une ndinkusyumbutuka, ndikwiputa nu mwene. Kangi umwene āli fiyo ukukīnda pa mwene, akabalilo kala, mpaka umwene akāmenye ukuti une nāli nkyumba.

¹¹⁹ Popāpo, une ndinkugomokela. Kangi abandu bingi baalisile ku nyumba, mmasiku galagala. Akāliko nayumo uyungi pa ngunda. Ukwēne kukāli kubwāpuligwe na fīngi fiyo, kangi abāndu bisāga ukufuma kulikōsa.

¹²⁰ Une nālōndāga ukutusya panini. Popāpo une ndinkuselemuka mula, ndinkusumuka ntulo nukwāndāna, ukufwāna isala ya bubili-na-sinda, pamo itatu pa koloko. Nkundwe Wood ākāli akāsāmile ukufyūka mu lukīndi tāsi. Kangi une ndinkukēta panja pa njila ya busōkēlo, kangi pala pakālipo nakimo, nayumo pānja pala, popāpo une ndikwēga ikitili kyāngu ikikūlu kangi ndinkuselemuka mula mu kyūmba kya bufwīmi, kangi ndikwēga indusu ya .22 yāngu. Kangi une nābūkāga pānja nukufwīma abālukōti, mpaka ukwēne kwāfikile pala kifuki lwēle pa koloko, kangi polelo lāmbalala pāsi kifuki i kipiki ubuyo bumo kangi nukwiyēgēla ukugona kunini. Ugwe ukābagile ukwāga ikyēne ukusyūngutilla pa kāya.

¹²¹ Une ndikwēga ikitili kyāngu nukwāndako ukukilania i kyūmba. Kitulikigwe pa kibūmba lyāli apulo. Kangi ikyēne kyāli i-i apulo ilibwāpuligwe ukukīnda. Ilyēne lyāligwenilibōngololo, kangi ilyēne lyānūngāga, kangi ilyēne lyāli libolano mōsa. Kangi une ndinkwīnogōna, “Ngimba kuli fiki u Mēda ātulike kila pa kibūmba?”

¹²² Kangi une ndinkukētésya, kangi, kangi ilyēne likāli pa kibūmba mma. Ilyēne lyātulikigwe panja mu mbepo. Une ndinkuyūgānia ukufūla ikitili kyāngu kyaiyolo, ndinkubika indusu mu nguto, kangi ndinkugwa pa mafūndo gāngu. Une

ndinkuti, “Ntwa, fyo fiki ifi Ugwe ubagile ukuya nu gwambombo Gwako amanye?”

¹²³ Ukusuluka lilinkwisa ilingi lila, ukusuluka lilinkwisa ilingi lila, mpaka ukufwana ama apulo mana pamo mahano (une ngwibwa lilino itolo iki ikylene kyaali) gatulikigwe pala. Polelo ilikulumba ilinywamu, ili apulo ilimogi, lyamabanga mu lyene; itolo ilinywamu fiyo, iliboneke-likafu ili apulo, likusuluka pasi lilinkumemena losa agangi ama apulo amaboneke-gafulele gala. Kangi Umwene alinkuti, “Sumuka. Imilila pa malundi gako.” Alinkuti, “Buka, kambule Bill Hall, umwene atikufwa mma. Umwene ikuyaga nu bumi.”

¹²⁴ O, une ndinkubopa mbibimbibi mumo une nabagile, kangi une ndinkuti, “Nka. Hall, une ndinagwe ISI SYO IKUTI U NTWA. Umwene ikuyaga nu bumi.” Kangi umwene alinkumbilika une. Kangi umwene agelaga ukukuta, kangi umwene alinkusita kuyoba kangi mma.

¹²⁵ Une ngugomokela nukunkolela Sam. Kangi une ndinkuti, “Sam, unkundwe gwitu—gwitu isakuyaga mumi.”

Umwene alinkuti, “Ngimba umwene abagile ukuya mumi bulebule bo lula?”

¹²⁶ Une ndinkuti, “Ikyo kyo kikaya kwa une ukwinogonela mosi. Kyala ayobile lilo. Ikyo kikumasya ikylene.”

¹²⁷ Umwene mumi umwisyugu. Ikyo kyo kufwana ifyinja kalongo ifi fikindilepo. Itolo gwamaka kangi nkafu. Unkasi gwake afwile ukufuma kabalilo kala. Umwene egile kangi.

¹²⁸ Ngimba ikylene kikubonekaga bulebule kwa George Wright, na bingi aba uswe tubagile ukuyoba, aba uswe tubagile ukukolela? Ngimba ikylene kyo fiki? Ikyene ko kwima ulufuyulo. Abene bikuseka nukugila.

¹²⁹ Une ngukumbukila akabalilo kako bo gukali u mogesy gwa '37. Une nalimile pala ni Kampani ya Falls City Transfer, kangi une nababulaga abene ukufwana, pala pisaga ukuya amafiti malongo-matatu-na-mabili ga misi, une ngwitika ikylene kyali, pa Lukindi Spring. Abene balinsekile une. Abene balinkuti, “Mpelakisa Billy. Une ngusakikisya umwene...Umwanike yula!” Une nali itolo ndumiana akabalilo kala. Umwene alinkuti, “Billy yo mwanike nnu. Ikyene kyo kikosya soni umwene afikile pakufuluganika mosi.” Une ngali mfuluganike. Une nalyosigwe *nkati*, komma ukufuluganikania. Une nali itolo “nkati.” Kangi ikylene kilinkuboneka itolo injila iyo.

¹³⁰ Ukufuma papo une nayobaga, une naketesisye Kalumbu Hattie Wright, une ngwitika, itugesye kunyuma kula. Umwene ikukumbukila i nongwa yila iya Bill Hall. Bingi. Balinga aba bali apa, balipo ulubunju ulu, bikukumbukila inongwa yila? O, mwe! Naloliloli. Balipo bingi ba umwe.

¹³¹ Lilino, abēne bikwīpilika basulumanie kuli uswe, ukupelela ikisa ku aligwēsa uyu ikugela ukukolelela ku Lisyu, mmasiku ga bŭg̃li. Loli, kumbukilaga, ulufuyulo lukufimbilisigwa ukwisa. Ukwene bwila mo kiyilile. Abene bāfimbilisigwāgwa ukwinogona, mumo abene bābombile akabalilo kala, ukuti Kyala, ukufuma pāpo kalikosa kasisimikisigwe mwasayansi, ukuti Kyala akābagile ukuyoba kalikōsa aka kātātikanāga na sayansi. Ena, ikyo kyo iki kikumpela Umwene Kyala. Linga Umwēne ābagile itolo ukubūka ukufwāna na sayansi, polelo ikyēne āngali kitikuya kangī mma ukukīnda itolo iki u mūndu ābagile ukukaba. Lōli, Umwēne yo Kyala. Umwēne yo—Umwēne yo Mpeli gwa sayansi. Umwēne abagile ukubōmba iki Umwēne ikulōnda.

¹³² Abene bikufimbilisigwa ukwinogona, “Mpelakisa Noah, ena, ndeka umwinitu unkangale mwene. Umwene ikupōndwa fyosa ifyabwīkyēle ifi uswe tuli nafyo mmasiku aga, polelo ndeke itolo umwene pamwene.” Ikyene kyo kifwene itolo lilino.

¹³³ Lōli, lilino, une ngulōnda ukuyoba ikindu ikīngi papapa apa. Lilino, uswe tukukētēla kunyuma nukunyonywa u lwītiko lwāke. Loli une nguswiga, linga uswe twalimo mu lisiku lila, ngimba uswe angali twegile bulabula ubwīme ubu Noa alinkwega? Ngimba uswe āngali tubagile nu kwīgana ukwīma ulufuyulo ulu lwābūkile nu Bwānalōli? Akabalilo kako, pa maelifu-elifu bosa aba bāliko nkisu kya pāsī akabalilo kala, ālipo mwene Noa ni nyumba yake aba bālīmīle kuli Bwanaloli bula. Ngimba umwe mwālīnogwine isya ikyene? Itolo unnyambala yula na banabalumyana batatu, na banubalindwana-bako bāke, unkasi gwake, bāli bo bēne bābo bālīmīle kuli u Bwānalōli bula. Lōli abēne bāli na ISI SYO IKUTI U NTWA. Uswe tukukēta kunyuma nukunyōnywa umwēne. Ngimba uswe tubagile ukwinogōna ikyēne kangī?

Une ngufimbilisigwa ukubopela panongwa ya fyābūpi fya bāna aba.

¹³⁴ Abraham, li lisyu lilalila *Abraham* likusanusya “tāta gwa bīngi,” ukumpela umwēne “tāta gwa fikolo.”

¹³⁵ Lilino, Abraham aapilike i Lisyu lya Kyala. Abraham aali nsololi, kangī umwene aapilike i Lisyu lya Kyala. Kangī uswe tukunyonywa Abraham panongwa ya kukolelela kwāke ku Lisyu lya Kyala; mūmo fikuti umwēne ālipāgwīle mwēne ukufuma ku bakamu bāke; mūmo kyāyīlile kikafu kuli Abraham. Umwēne āswīligwe kula. Ālīsile ukusuluka ukufuma Babelo, kangī—kangī āli pāsī pala nkīsu kya Shinara kangī aba—aba—aba Kaladiya, nkāya ka Ur, kūko bōsa ba bīnāke, abāndu bāke, kangī bala umwēne ābūkāga nabo kukipānga, kangī kilikyōsa. Lōli Kyala alinkuti, “Ipāgūla gwimwene.” O, mwe! Kyo kīndu ikinyāli kiliku ikyēne kyāli, ukuleka fyōsa ifi umwēne ākolelile kipala,

kilikyōsa iki kyāli kyānalòli ku mwēne, iki umwēne ākolelile kipala. Kangi Kyala ālimbulile umwene, “Ipāgūla gwimwene.”

¹³⁶ Nukumpa umwene ikindu ikikīndane. “Ugwe kuyaga nu bōnda nu nkasigo.” Kangi umwēne āli na malongo-mahano-na-mabili-na-fihano, kangi umwēne āli malongo-ntāndatu-na-fihano. Ukwēne kwālekile ukuya nu mwēne ukuya nkīkulu, bo isya lubātiko lwa bakīkūlu āyaga pakupāpa abāna, kuli fyīnja. Kangi apa, ukufuma pa kwītūgāla nu mwene ukufuma pāpo umwene āli ndindwana, panongwa yakuti umwēne āli ulilumbu gwāke gwa sinda, kangi polelo ngimba umwēne abagīle bulebule ukutwala u mwāna yula? Kangi lilino ngimba umwe mubagīle ukwinogonela isya Abraham ukusōka panja pakati pa babōmbi bāke, nukuyoba, “Uswe tukuyaga nu mwāna, Sarah na une”? Ngimba umwe mubagīle ukwinogonela ikyo?

¹³⁷ Fiki, abandu balinkuti, “Umwinitu unkangale umpelakisa, kilipo kimo kitamisye nu mwene.”

¹³⁸ Ikyene kyo lufuyulo, loli Abraham alinkumilisa ku kyene. Kangi akabalilo kako umwene ali ni fyinja mia yumo mbukusi, umwene akapepelwikemo siku ku lufingo lwa Kyala. Umwene akaali imile ulufuyulo, naloliloli, ukukolelela ku kyene.

¹³⁹ Umwe mukuketesya ukukindana nkati mula? Sarah āgelīle ukumpa Abraham, pamo ukumpa Kyala, ndigi, akayabo kanini ka butuli, pa mwene. Umwene inogonaga, umwe mumenye, ukuti, mu njila iyingi ukukinda isi Kyala aafingile. “Lilino, umwe mumenye, une ne nkīkūlu nkāngāle, lōli Hagara apa yo nkīkūlu mmogi. Abraham atisakutamigwa ukummwēga umwēne, yōpe. Polelo, umwe mumenye, ikyo kisa—ikyo kisa kuntula Kyala. Ikyo kisa kuntūla Kyala, ’nongwa yakuti Hagara, apa, umwēne yo pamo ali itolo ifyīnja malongo mabili mbukusi. Umwēne yo ntūli gwāngu. Kangi umwe mumenye iki une ngubombaga? Une ngumpāga umwēne ku ndume gwāngu, ukuya nkasi,” panongwa yakuti imitala gyāli mitikisigwe. Polelo umwene alinkuti. . . “Une ngumpāga umwene, kangi umwene isakuyaga nu mwāna ukwisila mu ndume gwangu, kangi polelo une ngumwegaga u mwāna yula. Kangi uyo yo yumo, Kyala āfingile.”

¹⁴⁰ Umwe muketile, uswe akabalilo kosa tukugela ukubomba ikindukimo; tukabagila ukugulila ku Mwene. Uswe tukufimbilisigwa ukubomba ikindukimo, twibene. Lumo āli kanunu mōsa. Umwēne abagīle ukuya mmogi. Ikyēne kibagīle ukuboneka kinunu fiyo, lōli ikyēne kikāli ukufwāna ni Lisyu. Kyala ālimbūlile Abraham u mwāna isaga ukwisila mwa Sarah.

¹⁴¹ Umwe mukukumbukila iki Umwene āyobīle ukufwana nu Ntimo unnini? “Ifimanyilo ifi fisakukongaga abene aba bikwitika.” “Mumo ukwene kwayilile mmasiku ga Noa, momumo ukwene kwisakuyilaga mu kwisa kwa Mwanundumiana gwa mundu, mula abanāndi, gyōpe imyoyo

lwēle, gyāpokigwe.” Amasyu gala gakabagila ukutoligwa, polelo unko uswe tukētésye twibene kifuki nukwitugasya ni Lisyu. Umma ndaga. Muketile?

¹⁴² Abāndu akabalilo kōsa bikugela ukutēndēka ikindukimo, ukwēga ubuyo bwa bwīgàne bwakupela bwa Kyala. Umwe muketile, mūmo une kingikingi njobile, kangi lumo pa kipanga, pabutasi, umwe mumenye, ugwe ukaabagiile ukundalusya u ng’osi, “Ngimba ugwe kumbelaga une ulusyōya lumo?” Umma, umwene akabagila ukubomba ikyo. Lilino, u mbene akabagila ukutendeka ulusyōya, panongwa yakuti ubupeligwa bwake butisakummwitikisya umwene. Kali bo bulebule ugwe ubagile ukugela ukupinya ulusyōya lwa ng’osi pa mbene, ikyēne kitisakubōmba. Imbene yikabagila ukutendeka ulusyōya, kangi i ng’osi yitikupela i nywili. Loli umwene ali nu lusyoya panongwa yakuti umwene yo ng’osi. Ikyo kyo iki kikupela umwene. Umwene atikutendeka mma.

¹⁴³ Uswe tutikulondigwa ukutendeka iseke sya Mbepo. Uswe tubagisenie ukupāpa ikipaso kya Mbepo. Mpiki gwa apulo gutikutendeka ama apulo; ugwene gukupāpa itolo ikyene panongwa yakuti ikyene go mpiki gwa apulo.

¹⁴⁴ Kangi linga uswe tukugela ukutēndēka kalikōsa, “Une ngutūlāga i Nongwa. Une ngufūnda ku fyīnja kalongo mu seminale. Une nisakumanyila *iki, kila*, pamo *ikīngi*, nu kwēga ilyāngu i Bachala ya Bwāti kangi ilyāngu i digrii ya Dokotala. Une ngutūlāga u Ntwa, nīmwēne.” Ikyēne kitisakubōmba.

¹⁴⁵ Kyala, ukwisila mu kusūngulīgwa-ngāni, ikukōléla yūyo Umwēne īganile. Umwēne ikupa i Kitāngalāla kwa aligwēsa uyu Umwēne ikunyonywa ukupa Ikyēne. Uswe tumanyile ikyo ukwisila mwa Nebukadnezara.

¹⁴⁶ Uswe twāmanyile ikyo ukwisila mwa—mwa Yereimiya, akabalilo kako Kyala ālimbulile umwene ikyo, ukwisila mu Lisyu lya Ntwa, ukuti, kālīpo akabalilo aka Israeli ayaga pakupīmbigwāga mu Babeloni ku fyīnja malongo mahano-namabili. Apa alinkwisa unsololi uyungi pala. Umwene atalile alimbūlile umwēne, alinkuti, “Lilino, ugwe kwisakuyaga nabo abasololi, bisakusumukaga. Kangi ugwe kwisakuya nabo abēne pāsi pala mu Babeloni, aba bisakufyūka mmwanya, na bagogwanjosi na basololi, aba bisakusolola ukulwana na Iki. Lōli babūla abāndu komma ukupilikisya ku bāndu bala.”

¹⁴⁷ Kangi pamwanya pakwīsa unnyāmbāla ni ngamu ya—iya, yumo mwa basololi, Hananiah. Kangi akabalilo kāko Yereimiya ālīmīle pala ni liyōko pamwanya pa likosi lyāke, apa ikwisa Hananiah, alinkuti, “ISI SYO IKUTI U NTWA, mu fyīnja fibili fīswīle, fyōsa ifyombo fya Ntwa . . .” Lilino, mulwaalo, ikyeene kyaabonekaga ukuya kinunu fiyo. “Kyala isakusayaga abandu Bake. Umwene isakutwala ukugomosya kilikyosa katikati itolo, mu fyīnja fibili.”

148 Kangi ili Bangeli lyáyobile, nu nsololi Yeremiya áyobile, “Ameni. Ameni. Hananiah, u Ntwa aliténdekaga a masyu gáko ukwisa kukuboneka. Lóli unko uswe twínogone isya kindukimo, Hananiah. Bálipo abasololi bo tukáli uswe, kangi abéne básolwile ukulwana ni fikolo ifikulumba ifya bwíte, na fyosa bo ifyo. Lóli, kumbukilága, unsololi ikumanyígwa ukufuma pāpo ubusololi bwāke buténdekígwe.” Muketile?

149 Polelo Hananiah ikwisa pala, alinkupimba iliyōko ukufuma pa likosi lya Yeremiya, pankyeni pa bapūti bōsa ni kilundilo, lumo elifu-elifu na sinda gwa bāndu. Kangi alinkwega iliyōko lila ili Kyala abikile pa likosi lya Yeremiya, ku kimanyilo, nukubongotola ilylene ntupatu, kangi alinkusópa ikylene pa malundi gake, itolo ukuya nnyenyemusigwe, kangi alinkuti, “ISI SYO IKUTI U NTWA, mu fyiinja fibili, abene bisakugomokaga.”

150 Yeremiah alinkunkéta umwene itolo. Ikyene kyāli kubutali ni Lisyu, polelo umwene alinkusōkapo itolo. Kangi Kyala alinkuti, “Gomokela nukwakumbūla umwēne,” alinkuti, “Une ngayobamo siku ku mwēne.”

151 Umwēne āli itolo ānyenyemusigwe. Umwēne ālyēgile ubwinogonelo bwāke mwēne. Muketile? Umwēne akāgūlilemo siku mpaka naloliloli umwēne ākibwēne ikyēne kangi āménye ikyēne kikāli mwēne mma, ukuti ikyēne āli Kyala ikuyoba ikyēne. Umwēne ābūkile ukugomokela, mōsa bikwiyūla. Linga...

152 Uswe tukukyaga ikylene, ukukilania ikisu, umwisyugu. Yimo mwa matepi gītu yākinigwàga lululu ulu mu nyūmba, kūko i kibugutila kya balūmbilili bāli akabalilo kalakala bālīkutisigwe, kangi bisàga ukōsigwa mu Ngamu ya Yeso Kristi. Kangi unnyambala āsumwike nkyūmba, yūyo áyobile mu ndimi nu kuyoba, “ISI SYO IKUTI U NTWA. Kolelela pa iki umwe muli nakyo. Kindililaga itolo, ukubūka nkyēni, kangi une ngubasayaga umwe.”

153 Abene balinkuti, “Ena, linga u Ntwa áyobile ikyo, une ngusakikisya ikyo kyo kyene.” Umwe muketile, ikylene kikageligwa ni Lisyu. Ikyene kibagisenie ukwega i Lisyu, ukwanda. Mwaketa lelo umwe. Ikyene kyāli kikindane ni Lisyu.

154 Apa ikwīsa Yeremiya ikugomokela, yula unsololi umpakígwe. Kyala ālimbūlile umwēne, alinkuti, “Une mmenye Hananiah ākonywile iliyōko lila pamwanya pa likosi lyāko, ili Une nābiikile, lóli une nguyaga pakuténdeka limo ukufuma ku kisulu.” Umwēne alinkuti, “Kangi ifikolo fyōsa ifi fibūkile pāsi ukumbōmbéla Nebukadnezara, ugwāmbombo Gwāngu,” kangi umwēne āli mwiputafifwani. Muketile? Kangi Israeli, ukukyunga fyosa amakemo gabo, loli abene bakāli. . . Muketile?

155 Kyala ātēndike ulufingo, ukuti Umwēne isakusaya, lóli isayo sila sili pāsi pa tuyīlo. Kangi ugwe kufimbilisigwa ukwagana nu tuyīlo tula, ukutendeka ikyo ukubomba.

156 Nītugesye, akabalilo kanandi aka kakindilepo, nu ndindwana unnini, unnunu unnini apa. Ikyākwānda, une nāpēsile ikikolo kila ukukīndāmo, ukukēta linga kālipo kalikōsa akasobi. Kyala isakubūmbulusya, lōli ikyēne kili pāsi pa tuyīlo. Muketile? Ikīndu kyēne une nākyāgile, kyāli, u māma ātilāga ikyēne kyāli kisobi ukunwa u nkota. Une ndinkuti, “Komma ukwinogona ikyo, kalumbu. Ega ikyo ukufuma mu linogono lyāko. Bukaga itolo nkyēni nu mwānike. Kapapo akēne u nkota. Kyala isakupelaga ikyo kimanyigwe.” Muketile?

157 Lilino, loli, ikīndu kyo kili, londesya, manya. Kangi polelo, linga ikyene yo ISI SYO IKUTI U NTWA, sili kanunu.

158 Lilino uswe tukusyāgānia apa ukuti, abāndu aba, abēne bāgelāga ukutēdeka ikīndukimo; Hagara na—na Sarah, ukuntula Abraham, ukuntula Kyala ukutēdeka ulufingo Lwake ukwīsa ukuya bwanalōli. Ugwe ukabagīla ukubomba ikyo. Yikayapo injila, na panandi, iyakubombela ikyene. Ikyene kyo—ikyene kikulwana na kilikyosa. Lisyu lya Kyala likubonekaga, mulimosa. Ugwe kufimbilisigwa ukwima itolo pa Lisyu, kangi yoba, “Iyene yo njila *iyi*,” kangi kyunga i Lisyu. Lilino, kētēsya, ukutendeka ikīndukimo ukwēga u buyo bwa Lisyu Lyāke!

159 Lumo abinake ba Abraham, bope, linga uswe tukeetesisyemo siku, lumo abinake ba Abraham bikwisa pala nu kuyoba, “Ena, tāta gwa fikolo, balinga abāna ugwe uli nabo lilino?” Akabalilo kāko umwene āli ni fyinja mia yumo mbukusi. “Yoba, tāta gwa fīsu, tāta gwa bīngi, ngimba bāna balinga ugwe uli nabo lilino?” Būgili!

160 Lilino, ngimba umwe mukakabonamo akabalilo? Ngimba uswe tukakibonāmo ikyēne, akabalilo kāko utubalilo tumo ukuti uswe twīpūtilāga ikīndukimo, ikyēne kikābonike mma?

161 “Apa itugesye unnyambala unkangale,” abene bikuyoba. “Umwene yo mfwamaso. Umwene yo gwamapuli. Umwēne yo gwakinunu. Umwene yo mbine. Umwene abombile *iki*. Buka kula kangi mbumbulusya umwene, umwe babumbulusyi Bafyakyala. Uswe tukwitikaga ikyene.”

162 Ngimba abene bikusyagania ukuti ikyene yo mōhēsi yulayula uyu āyobīle, “Sōkapo pa kipingika, kangi une ngwisakukwitika Ugwe. Sanusya amabwe aga ukuya nkati, kangi une ngwitika ikyene”? Muketile? Yula u mōhesi yulayula uyu apinyile ikifunga ukusyungutila amaso ga Ntwa gwitu, nukuntika Umwene pa ntu ni ngili, kangi alinkuti, “Lilino, linga Ugwe gwe nsololi, tubula uswe ywani akukomile Ugwe, kangi uswe tukukwitikaga Ugwe.”

163 Mulimōsa, ugwe umenye Umwēne ālimēnye yūyo ālintikile Umwēne. Umwēne ābagile ukusanusya amabwe gala ukuya nkati. Pamo, Umwene abagile ukusokapo pa kipingika. Loli uswe āngālī tukuyaga fiki umwisuyugu linga Umwene

aasōkilepo? Muketile? Abene bakamanya ulubatiko lwa Kyala. Ugwe kufimbilisigwa ukusyagania iki Kyala afingile.

Lilino une ngufimbilisigwa ukubopela.

¹⁶⁴ Lilino, lilino abēne lumō bāyobīle, “Tāta gwa fikolo, uswe tukupīlike ugwe, ifyīnja malongo-mabili-na-fihano ifi fikīndilēpo, kuyoba ugwe kuyaga nu mwana mwa Sarah, kangī ukufuma mu ikyo kyayaga pakwisaga ifikolo fya bandu. Itolo ngimba bāna balinga aba ugwe uli nabo kabalilo aka, tāta gwa fikolo?” Haa! Muketile? Yila yo yila yilayila iyaiyolo imbepo indondesiyabusobi iyi yābagīle ukulōndesy’ubusobi.

¹⁶⁵ Ngimba Abrahamu ābōmbīle fiki? Alinkuti, “Umwene akapepelwikemo ku lufingo, ulwa kusitakwitika.”

“Fiki, apa ugwe gwiputilaga *Gwakuti-na-gwakuti*, kangī abene balinkusita kuya kanunu.”

¹⁶⁶ Ikyo kikaya ni mbombo. Linga une ngwiputula maelifu kalongo ikilo iki, kangī maelifu kalongo bikufwa ndubunju, kilabo nkilo une pōpe ngupakaga ababine nukubīputīla abēne. Kyala āyobīle lūlo. Kitikwīmisya ikylene, napanandi. Kyala āfingīle ikylene. Une ngwitika ikylene. Naloliloli. Kitikupela ukukindana kulikosa iki abene bikuyoba, pōpe. Loli, abene bisakūgila. Ulo lo lufuyulo lwa Lisyu.

¹⁶⁷ Abraham, imile pa Lisyu lya Kyala, kubumalikisyo Ilyene lyāsisimikisigwe. O, mwe!

¹⁶⁸ Kētēsya u būgīli bwa bugūmba. Ukūgīligwa, kangī ulufuyulo lwa bugūmba, tāsi. Abene bali. . . Umwene alinkufimbilisigwa ukwima ulufuyulo panongwa ya kuya mu gūmba pa fyinja fyosa fila. Umwene ali kifuki fyinja mia yumo mbukusi. Umwene āli malongo-mahano-na-mana, ni Lisyu lya Kyala ili lyāyobīle umwene ikuyaga *mwēhe*, u māma gwa mwāna uyu. Kangī umwēne na Abraham, migūmba, migūmba, gyosa-mibili gwa gwābo—gwābo imibili gifwēne itolo mifwe, lōli pōpe abēne bakālīlamwilēmo siku i Lisyu lila, na kapatu. Loli abene balinkufimbilisigwa ukwima ikyo, ikyakwanda. Kangī polelo, aleluya, Kyala alinkukyūnga i Lisyu Lyake, mu sala iyangisi yila: Isaka aapapigwe. “Kangī imbeyu yake yili kifuki misānga gya nyanja pamo indondwa sya Kumwanya.” Muketile? Kyala akabalilo kosa ikwamula i Lisyu Lyake. Ena. Ubugūmba tāsi, polelo Isaki.

¹⁶⁹ Sakaria na Elisabeti, bōpe, unnyāmbāla unkāngāle yula kangī unkīkūlu unkāngāle, bakāli bikukolelela. Kangī akabalilo kāko Sakaria ikwisapo pala, kangī ābagīle ukusimba mōsa pa kipatu kyāke, nu kuyoba, “U Gwāndūmi ālyāgēne na une, ālīmūlīle une ngupapaga u mwāna ukwisila mwa Elisabeti, unkasi gwāngu unkāngāle apa. Une ngabagila ukuyoba kāngī mma. Une ne gwakinunu. Une nisakuyaga gwakinunu mpaka ilisiku u bōnda ikupāpīgwa. Loli isakuyangako u mwāna, kangī umwene isakuyaga nsololi gwa Gwamwanya ukukinda. Umwēne

isakuntalulaga u Lutondwa Lwakulubunju. Umwēne yo ntasi gwa Mesiya.” Ngimba ikyēne kyābagile ukuya bulebule?

¹⁷⁰ Bamo balinkuti, “Umwinitu ungangale umpelakisa. O, une—une ngusakikisya umwene nduko lumo panini asyūtilem’untu gwake, umwe mumenye. Kilipo ikinini ikindukimo. Lōli kēta u nkāngāle Elisabeti panja pala, ukusyūngutila malongo-lwēle. Kangi kēta—kēta—kēta Sakaria, kubutali nkāngāle kangi ikuyuganika, kangi polelo umwene isakuyobaga i kindu ikya luko bo ikyo. Ena, u mwinitu ungangale umpelakisa.”

¹⁷¹ Loli umwene aali ni Lisyu lya Ntwa. Lo lufuyulo luki, mpaka umwene unkikūlu ālifisile mwene ku masiku mingi. Loli umwene alimile ni Lisyu. O, mwe!

¹⁷² Ukupika ubufumuke, ukupika ubwīnogonelligwe ubufumuke, bāpikile ukupuputigwa kwa lisiku, kangi inyīho kangi ifindu fya lisiku lyābo. Abēne bākānīle ikyēne. Abēne bākānīle ukwenda ni kilūndilo kya basitakwitika. Abēne balinkukāna ifindu fya nkīsu. Abene balinkufimbilisigwa ukubomba ikyene, ukwima ni Lisyu lya Kyala. Abene balinkufimbilisigwa ukubomba ikyene.

¹⁷³ Momumo ikyene kiyilile umwisyugu. Ugwe kwipagulania gwimwene ukufuma ku kilikyosa loli ugwe na Kyala. Ikyene kikaya iki ikipanga kikubomba. Ikyene kyo iki ugwe kubomba na Kyala. Muketile? Ikyene kyo ugwe, ukuya mundu yumo pamwene. Ena.

¹⁷⁴ Lōli kēta iki Kyala ālimpèle umwēne. Akabalilo kāko Yeso Mwēne ikwīsa, Sakaria ākīndīle, Elisabeti, yōpe. Loli akabalilo kako umwanundumyana gwabo ālisile mmatengele, na ISI SYO IKUTI U NTWA, Yeso alinkuti, “Akālimo siku u mūndu apāpīgwe nu nkikūlu ukuya nkulumba bo mūmo umwēne ayīlīle.” Amenī. Fiki? Umwēne unkikūlu ākubilwe ulufuyulo lwa bugūmba. Umwēne āsyēle ni Lisyu, kangi alinkupāpa u mwanundumiana bo yula.

¹⁷⁵ Bo yu Sarah gwa iyolo, ngati Abraham gwa iyolo, a babili abakāngāle bakolelile ku Kyēne. Kēta, kifuki fiyo kila kyāpāpīgwemo siku, “bo misānga gya nyanja,” lukayapo u luko lwa bāndu nkīsu ukuya bīngi bo baYūda. “Bo misānga gya nyanja pamo indondwa sya mmwanya.” Ngimba fiki fyābonike? Ikyene kyābonike mu bunandi, u mwāna yumoywene.

¹⁷⁶ Lilino umwe mukukēta kūko une ngubūka. Yumo u mwāna, ikyo kyo kyōsa ikyēne kyālyēgīle. Ikyēne kyālyēgīle u mwāna yumoywēne ukuyugania ifisu nukusōsōla kwa Mesiya. Kyālyēgīle yumoywēne ntiga, umpilikila. Uko ko kutalusya. Kyala itolo ikulondigwa u mundu yumoywene. Ikyo kyo kyosa iki Umwene ikulonda, ku buyobumo Umwene abagiile ukuya ni lisyu. Ikyo kyo kyene iki Umwene ikulonda, ukwega u nnyambala yumoywene mu bulagili Bwake. O, mumo Umwene iganile ukwega u nnyambala yumoywene!

177 Umwēne ālinàgwe Noa, akabalilo kamo. Umwēne ālinàgwe u—Umwēne ālinagwe u Mōse, akabalilo kamo. Umwēne ālinagwe u—u Yeremiya. Umwēne alinayo u—u Eliya. Umwēne ālinagwe i Elisha. Umwene ālinagwe u Yohani. Umwene—Umwene ikwisa. . .Umwene ālinagwe u Samsoni. Akabalilo kosa aka Umwene abagiile ukwēga unnyambala yumoywene mu bulagili Bwake, ago go Masyu Gake. Umwene abagiile ukuyoba ukwisila mu kyene. Umwene abagiile ukukemela i kīsu. O, mwe!

178 Mumo Umwene ikuya ninjala nukufyuka, ukwega unnyambala mbulagili Bwake, “Ukuti Une mbagile ukuyoba ukwisila mwa umwene. Une mbagile ukwitikisya a Masyu Gangu gamanyigwege. Palema nalinga umwene isakwimaga ulufuyulo, loli Une ngwisa kwimanyisyaga a Masyu Gangu.” Muketile? O, ena.

179 Bugūmba, tāsī. Kufīmbilisigwa ukuya nsitakupapa, kufīmbilisigwa ukwīma ulufuyulo bwa bugūmba. Sarah āfimbilisigwaga ukwīma ikyēne. Momūmo bābōmbile Sakaria na Elizabeti bafīmbilisigwaga ukwīma ikyēne.

180 Kēta, umwisyugu. Lilino une nguyobaga i kindukimo. Kēta umwisyugu ku bana ba gwamalaya. Umwēne ēgile ifisu pāsī pa bulagili bwandyāli sya fipānga-fipāgūke, ugwamalaya na bānabalīndwāna bāke. Kēta yo ngulilo ya fipanga-fipāgūke isi syāfyukile mmwanya, kangī mumo banandi bo aba bagolofu. Komma umwe ukupasya. Ima ni Lisyu. Ikyene kyo kyosa kinunu.

181 Umwe mubagile ukūgīligwa, ukukōleligwa mwīkēmōmbunduluka. Umwe mubagile ukubilikigwa fyōsa uluko lulilōsa lwa ngamu imbībi. Lōli, syala palapala pala, Ilyene lyo Lisyu, ulufuyulo lwa Lisyu, ikindu iki abene bisakuyoba isya ugwe.

182 U mwīnitu unkeke, umwēne abagiile ukuya apa ulubūnju ulu. Umwēne yo mwīnāngu gwa une; Jim Poole, unkeke Jim, abāke—abāke abāndu. Umwēne ālalusīgwe ilisiku limo. Mulimōsa, umwēne ālyōsīgwe apa. Yumo āyobīle ku mwēne, alinkuti, “Linga ugwe gwayaga pakōsigwa nkipanga, nongwa ya fiki ugwe utikwēga i kipanga ikinywāmu, ikindukimo?” Muketile? Loli umwene āketile u Lumuli. Kila kyāli ikyēne. Muketile?

183 “Bīngipo bo bāna ba nsitabugolofu ukukīnda aba balipo aba ngolofu.” Ena. Umma ndaga. Mūmo bayīlile banāndi abēne, aba ngolofu! Kēta bo banāndi ba kukikufi nki aba bālipo mu lisiku lya Noa. Muketile? Kēta iki kyāli mmasiku ga Sodomu. Muketile? Mumo banandi aba bali bagolofu!

184 Ngimba balīnga abāna u ndogwe ali nabo! Umwēne itolo ikutwāla abāna munjila yilyōsa yayolo, lōli abēne bo bōsa bo bāna basiwāna. Ugwamalaya ikutwāla panja ugwamalaya. Imbwa yikutwāla panja imbwa.

185 Kangī u Kristi ikutwāla panja abapakīgwe. Ili Bāngeli likutwalaga panja abagolofu, polelo uswe tukufimbilisigwa

ukwima ilinogono lya kuya kapāmbō kanini. Kyo kindu kyaipyananki iki ikyene kili!

¹⁸⁶ Kéta ku kipanga ikikulumba ikya Efesi, kyālipō itolo kalongo-na-babili mu kyēne. Ena. Kéta kyo kibugutilanki iki uswe tuli nakyō umwisyugu, ulubafu lwa bene. Ena.

Gyālipō imyoyo mihano na mitatu mmasiku ga Noa.

¹⁸⁷ Balipō itolo bahano mmasiku ga Loti, umma, bàna; Loti nu nkasi gwake, abāna balindwana bake babili. Kangi umwēne alikwānduka mbānda ya libwe bo umwēne asōkile panja, panongwa ya kukéta kunyuma. Naloliloli, batatu bāsōkile pānja mu lisiku lila.

¹⁸⁸ Kangi Yeso āyobile, “Bo mūmo ikyēne kyāli mu masiku gala.” Kikutukasya uswe ukukētēsya nukuya bapākisyē. Bo banini bule abagolofu! Lōli, bo akabalilo kōsa, abūgīli babagīle ukufuyula. Ubwakyu- . . . Ikasya ulufuyulo lwa bugūmba, tāsī. Mwe!

¹⁸⁹ Une itolo ngufimbilisigwa ukubopela. Une ne . . . Une ndikubōmba . . . Ngulonda ukutūla ukubēga abāna aba. Itolo ikasyaga na une pakayabo kanini. Muketile?

¹⁹⁰ Abanyambala akabalilo kosa bo bafwēne bo bwila. Lilino une nguyobaga ikindukimo kangi. Kangi une ngulonda umwe . . . Kangi une ngamanya kali ikyene kikusimbigwa pa tepi, pamo mma. Lōli linga ikyēne kili pa tepi, une ngulōnda umwe ukupilikisya kwa une, umwe pa tepi. Komma umwe ukupondwa ikyēne, lōli funda ikyēne. Umūndu lilino yo mūmo umwēne akabalilo kōsa afumile pakuya. Umwene ikuntufya Kyala panongwa ya ifi Umwene ābōmbile; ukugūlila ku iki Umwene isakubombaga; kangi ukupīka iki Umwene abōmbile kangi ikubōmba. Umwene ikuntūfyā Kyala panongwa ya ifi Umwene abōmbile; umwene ikukéta nkyeni ku iki Umwene isakubombaga; lōli umwēne ikusūla iki Kyala ikubōmba, kangi pala umwēne ikupōndwa ikīndu kyōsa. Une ngusubila abene bikupilikisya ikyene. Muketile? Ukusūla iki Umwene ikubōmba! Umwene amenye iki Umwene abōmbile; kangi umwene amenye ulufingo iki Umwene isakubombaga; loli umwene ikutoligwa ukuketa iki Umwene ikubōmba.

¹⁹¹ O, umwe baPentekosti, linga umwe mukaya kyākweḡelēla ikya ikyo! Umwe mukugūlila kuli ikindukimo ukuboneka: bo kabalilo kosa, kyābonīke palapala pāsī pa umwe, kangi umwe mutikumanya ikyēne. “Kalinga Umwene angali abafugatīle umwe, bo yi nguku yikubomba pa twanake, loli umwe mukālongdāga mma.” Umwe mwinogwīne mbwīngīpo isya nyiho syinu ni fipanga-fipāgūke ukukinda mumo umwe mwābombile isya Lisyu Lyake nu Mbepo Gwake. Ena.

¹⁹² Lo lufuyulo nki kwa Mariya! (Mumo uswe tukwigala.) Lo lufuyulo nki kwa Mariya nu Yosefu, panongwa ya Lisyu Lyake! Akēne ko kabalilo ka Krismasi. Une nābātike pa kukolelēla

itolo panīni panāndi, loli umwe mukupilikaga fingi ifya ikylene pa rediyo na pakati pa batimi, na fyosa. Lo lufuyulo nki kuli Mariya na Yosefu, ukūmilisya ku Lisyu lya Kyala! Kumbukilaga, lilino. Kangi i kyūgila, iki kyāfyūsise inyīge sya fisige, akabalilo kāko abēne bākētile u nnīni Maria ikukīsanīa, ukwāgana na Yosefu. “Ugwe kwega undogwe.” Muketile? Kangi kumbukilaga, nkundwe, ubulogwe bwāli bufwe mmasiku gala. “Lilino, ugwe nkyūnge umwene ukufuma kukugogigwa. Umwene ikuyaga māma panongwa ya ugwe.” Kangi, lōli, kumbukilāga, akabalilo kōsa, Kyala ābōmbāga na bēne, kangi ikyēne kyāli ukufwāna ni Lisyu. Kangi abene bakakimenye ikylene. Muketile?

¹⁹³ “U mfunde isakupāpaga u mwāna.” Yosefu āmenye ikyo. Maria āmenye ikyo, panongwa yakuti, ukufuma pāpo i Lisyu lyāsīmbigwe, ālipo u Gwāndumi ikuyoba ku bēne, ukusisimikisya, pamo ukubonekesya pabwelu i Lisyu lilalila ili lyāsīmbigwe, iki kyāyaga pakuboneka. Komma ukugogw’injosi lilino. Inogona. U Mbepo Mwikemo isile ku kisu; nasiku āyobīle ku kilundilo kyōsa. Umwene āyobīle ku bēne.

¹⁹⁴ Yosefu aaketile. Kangi bo akāli u Gwandumi yula alinkunjatila umwene, umwene alinkuti, “Ena, lilino, une nunganile umwene. Loli, une ne mundu ungolofu. Une ngabagila ukwega unkikulu bo yula.”

¹⁹⁵ Kangi u Gwāndumi gwa Ntwa alinkubonekela ku mwene, mu njosi, kangi alinkuti, “Yosefu, ugwe mwanundumiana gwa Davidi, komma ukutila ukummwega ku myako Mariya unkasigo, kabuno kila iki kili nkifuba kyake kyo kya Mbepo Mwikemo.” O, mwe! Lo lubatamisyo luki! Muketile?

¹⁹⁶ Kangi, Maria, pa nsebwe gwake ku kisiba. Akanini akafunde, ukufwana ifyinja kalongo-na-fihano-na-fibili mbukusi, kalongo-na-lwele, ikwēgigwa ku nnyāmbāla uyu ālyēgīleko pabutasi kangi āli na bāna bana; u nnyāmbāla unkāngāle. Kangi umwene āli. . . Umwene unkīkulu ālinganīle umwene, kangi—kangi umwene akāmenye nongwa ya fiki. Kangi umwene unyāmbāla ālinganīle umwene, kangi umwene akāmenye nongwa ya fiki. Kangi apa abene bāli. Ukwisa, ukubuka ku kisiba, ukwega amisi gamo, kangi kosa ukubala pa findu ifi umwene—umwene inogonaga, a Masimbo, kisita kwilamwa, kangi polelo u Lumuli lukumulikaga pankyeni pa umwene. Akabalilo kako u Lumuli lula lukumulika, pala alinkwima u Gwāndūmi.

¹⁹⁷ Nguswiga mumo Mariya ālipilike? Ngimba ugwe gwinogwinepo isya ikyo? Une nguswiga linga umwene āliipilike ukuya nulutende na mumo une naabombile mmayolo.

¹⁹⁸ “Hail, Maria!” *Hail* kokuti “ima.” “Pilikisya iki une ngukubūlāga ugwe. Nsayigwa yo ugwe pakati ba bakīkūlu, kabuno ugwe gwāgile ubukūndwe na Kyala, kangi ugwe kuyaga pakupāpa u Mwāna. Umenye nayumo unnyāmbāla, loli ugwe

kuya pakuya nu Mwāna. Kangi u ntāni gwāko Elisabeti, ukuya nkāngàle, yōpe, umwēne isakuyaga ni kifuba yōpe, kangi isakuyaga pakupāpa u mwāna. Kangi ifimanyilo ifi fisakubombigwaga.”

Umwene alinkuti, “Ngimba ifi fisakuyaga bulebule, mumenye, ukukēta une ngammanya unnyambala nayumo?”

¹⁹⁹ Umwene alinkuti, “U Mbepo Mwikemo ikuyaga pakukupilila ugwe. Ikindu Ikikemo kila iki kisakupāpigwa kwa ugwe kisakukōlelāga u Mwanundumiana gwa Kyalā.”

²⁰⁰ Baleka abūgīli bayobe iki abēne bikulōnda. Umwēne āmēnye ikyēne. Umwēne āmēnye ikyēne kikuyaga, panongwa yakuti Kyalā āyobile lūlo.

²⁰¹ Lilino, mūmo umwēne ābagīle ukuti ālipilike, i lisiku līla ilya bupagulilīgwe, pamo ukwisa ku bubūtīgwe bwa Mwāna, akabalilo kako umwene endaga ukusyungutila nu Mwana unnini yu mmaboko gake, bo *lula*. Kangi abakīkūlu bōsa bikwīma pabutali bwābo, bōsa nu buluke ubununu bwa myēnda, ukusaya ababōnda bābo nukubūta abēne, kangi kifuki bōsa ba abēne bikukwāba a kang’osi. Lōli umwēne āli nu tungungubiya tubili, ukwisuka kuli ubupelelesye bwāke mwēne. U Bōnda unnīni aniēmbetelīgwe mu mwēnda gwa lyābi, gitēndekīgwe ukufumu ku liyōko lya kunyuma kwa likosi lwa ngāmbaku, iliyōko, ikiniēmbetelo kya kunyuma kwa ngāmbako. Kila kyāli itolo mwēnda gwa lyābi nkibaga. Abene bakalinafyo nafimo ifya Umwene. Abene bāli balondo fiyo. Kangi apa umwene alinkwima.

²⁰² Kisita kwīlamwa, abakīkūlu bosa bakyungaga ubutali bwabo ukufuma ku mfunde unnini. Balinkuti, “Umwe muketile, umwene ali nu mwāna u nsīgwāna.” Muketile mūmo Kyalā ikutēndēka ifindu ukuya fiboneke-fyafīgīli. O, mwe! Umwene itolo ikukwabila ulusyōya palapala pamwanya pa maso ga Sētāno. “Gwakinyanyasi nki! Gwabubwāpufu buki! Ubulogwe. Ikyo kyo iki umwene ali. Umwene yo ndogwe.” Kila kikālīmike ukukung’usya kula mu ndumbula ya Maria unnīni. Abēne bakyūngīle ubutali bwābo ukufuma ku Mwēne.

²⁰³ Abene bakāli bikubomba ikindu kilakila, ukunkōlēla Umwene lilino, “Mwikemo-mbunguluka, pamo mumilisi,” pamo ikindukimo.

Maria āmēnye yo Bōnda Gwāni yula āli. Umwēne itolo ākīndilīle nkyēni, itolo mulamula.

²⁰⁴ Loli, o, ngimba abene bakābagile ukuti bākētesisye akabalilo kako, Simiyoni, itugesye ku nyuma nkyūmba, umwene aafingilīgwe? Umwene alinkubuka ukusyungutila, ikusolola. Umwene alinkuti, “Untwa abonike kwa une.” Kangi alinkuti, “Une ndisakuketa ubufwe...” Kangi umwene ali nifyinja malongo lwele-ni-kindukimo akabalilo kala. “Une

ndikubūkága ukukēta ubufwe bo Une ngāli ngakēta ubupoki Bwāke.”

205 “O, Simiyoni, ugwe uli nkangale, mwanundumiana. Gwako—gwako... Umwinitu unkangale ali nu luko lumo āli nu ntu gwake, umwe mumenye, umwene yo panini... Ndeke itolo umwēne pamwēne. Umwēne yo nsitakufulasya. Umwēne atisakufulasya nayumo.”

206 Loli Simiyoni aali ni Lisyu lya Ntwa, alinkuti, “Une nālimbwene Mbepo gwa Kyala asulwike pa une. Une nālimile nukunkēta Umwēne. Umwēne ālimbulile une, ‘Simiyoni, ugwe uli nnyambala ngolofu. Kangi ugwe utikubūkága... Une ngukutēdekága ugwe ubukēti pānja pala.’” Uu-huu. Ikyo kyo kyōsa.

“Ngimba Ugwe nongwa ya fiki kubombaga ikyo, Ntwa?”

“Iyo yo mbombo Yāngu.”

207 Minogono gangu go, ukuti Umwene abagile naloliloli ukonelela amakalasila pa bene, pa Lisiku lila. “Umwe mwāli nu nketi. Nongwa ya fiki umwe mukāpilikile ku bwēne?”

208 Pala alipo unkāngāle umfwamaso Ana, itūgēsye mu tempeli, ikwīputa. U Ntwa āsetwile ku mwēne, “Simiyoni yo ntalusye.” Ameni. Umwene alinkutoligwa ukuketa ubwēlu bwa lisuba ukufuma ku ngisi, loli umwene ābagile ukukēta pabutalipo ukukinda abandu bingi umwisyugu aba bāli na maso amanunu. Umwene aaketile, mwa Mbepo, u Mesiya uyu isaga kifuki, u Mbepo ikwendendeka mu ndumbula yake.

209 Kēta iki Akapānga akanini akanāndi pala kāli? Sakaria, Elisabeti, Maria, Yohani, Ann na Simiyoni; ntāndatu ukufuma maelifu-elifu. Bo mmasiku ga Noa. Ntāndatu mwa bene. Kyala ābombile na aligwesa gwa bēne. Abene baali bōsa ndwitikisano. Abene bosa bali palikimo. Ameni.

210 Apa, nkāngāle Simiyoni. Apa ikwisa u Mwan’umfyēle unnini nkati. Umwene akāpilikemo nakimo ukufwana ni kyene. Apa alipo u Mwan’umfyēle. Kangi polelo Simiyoni itugesye nkyūmba kyake, kangi u Mbepo isile pa mwene, alinkuti, “Sookaga panja, Simiyoni.”

211 Apa umwene alinkubuka, ikwenda, kisita kumanya kūko umwene abukaga. Bo yu Abraham, umwene ālondalondaga ikindukimo. Umwene akāmenye kūko ikyene kyāliko, loli umwene alinkūmilisya ukwenda. Bo kakindilepo akabalilo, umwene alinkwima. Kangi u Mbepo Mwikemo ābagile ukuti āyobile ku mwene, “Pala Umwene alipo.”

212 Umwēne alinkufikila kula, mmaboko ga Maria, alinkwēga u Mwān’umfyēle mmaboko gāke. Alinkukēta mmwanya kangi alinkuti, “Ntwa, unko ugwambombo Gwāko lilino asōkengepo ukufuma ku būmi ubu mu lutengano. Amaso gāngu gikukēta pa bupoki Bwāko.” Ikindu iki aligwesa ūgīlāga, iki abakikulu

bākibopàga, Simiyoni āyobile, “Ikyene bo bupoki Bwako, Ntwa.”

213 Kangi ukufwana akabalilo kala, apa alinkwisa unkikulu unkangale umfwamaso, ikumālisa injila yāke ukusyungutila, ikupepeluka ukusyungutila ukwisila mu kilundilo. Kangi umwene alinkwisa ku Mwene, kangi umwene kangi alinkusōlola, kabuno umwene alondalōndāga kuli Umwene. Umwene aalimbulile Mariya, “Ulubo lwisakulasa i ndumbula yako, loli Umwēne isakusetulaga aminogono ga ndumbula nyingi.” Muketile? Ikyene kyāli fiki?

214 Lilino, une ngusakikisya, bamo mwa bakikulu bala bātīle, “Lilino kēta kila! Ugwe kukēta u luko luki ulwa kalasi ikyene kili? Mwaketa lelo umwe. Muketile? Ikyo kyo kyene. Muketile kūko ikyēne kili? U nnyāmbāla unkāngāle yula, ālendwīke mu ntu. Pala umwene ali pa mwanya pala, imile pankyeni pa ndindwana undogwe yula, ikugela ukuyoba ikindu bo ikyo. Mwaketa umwe lelo. Umwana unsigwana yula. Kēta yula unkāngāle Ana, ikwitūgasya pāsi pala, ikufw’injala mwēne ku bufwe, nukukīndilila bo ulo. Umwene atisakuyaga nubuhobofu mumo uswe tukubombela. Loli, mwakēta lelo umwe, muketile. Umwene abagile ukuya gwa fibugutila fyosa ifya nkisu apa. Umwe āfumīle ukufuma ikikolo ikinunu fiyo, muketile, kangi umwēne ābagile ukuya gwa kula. Loli pala umwene ali. Kēta mumo ikipambo kila kikufika palikimo?” O, ena. Amenī.

215 Ikindu kilakila umwisyugu. “Twitūgēsyē mmabuyo Gammwanya mwa Kristi Yeso, ukuya tufyusyigwe mmwanya na Mbepo Mwikemo.” Naloliloli. Ena, nkulumba.

216 O, ngimba uswe tulinako itolo akabalilo kanini ukōngelelāpo? Une ngufimbilisigwa ukuyoba ikindukimo. [Ikilundilo kikuyoba, “Ena.”—Nsimbi]

217 Une ndinayo unkina uyūngi apa, une ngunkēta, akabalilo kala akabalilo kāko i Lisyu lyātēndekīgwe ukubonekela, abanyāmbāla bamahala.

218 Ngunyonywa une nāli na kabalilo, Fred, ukuti ugwe ubalīle ikyo. Ugwe uli nakyo ikyēne mu nyāmbi yāko? [Nkundwe Fred Sothmann ikuyoba, “Ena.”—Nsimbi] Une ngusakikisya mwe bingi ba umwe mukibwene ikyene mu kalatasi ya nōngwa.

219 Ikindu iki u Mbepo Mwikemo āyobile pāsi apa ku kisoko, ifyīnja malongo-matatu-na-fitatu ifi fikīndīle, abēne itolo bakūmbile ikyēne mōsa. Dizembala gwa 9, ukusisimikīsyā ikyēne, isya bufunda-ndondwa bula, mūmo fikuti—fikuti Jupiter ni ndondwa sila, mbubunganisyo bwābo!

220 Abēne balinagwe ugwaiyolo ugwabufundandondwa u kalenda- . . . ubungwāle bwa ikyēne, abēne bakūmbile mōsa. Ako ko katikati kabalilo kala ububūngāne ubu bwālīsilemo, mu bwībatike bwa ndōndwa isi, kangi ukusōpa palapala pāsi kubwa ku Babuloni, kangi abanyambala bamahala balinkutwala

ikyene pási. Mukukũmbukila? Ifyēne fyakilēnie injila syābo, pási ukusulukā, amabiliyoni ga fyinja fya bwēlu ukupāgukana kāngi. Kangi bala abanyāmbāla bamahala aba kiYuda aba bāli pamwanya ku Babuloni, abēne balubwēne lula ulwibātiko lukwisa ndubātikano lula, indōndwa sila. Sitatu sya isyēne silinkwēnda nkati, palikimo, nukutēndēka lula lumolwēne u lutōndwa lwakulubūnju. Kangi abēne bāmenye ukuti ukwisila mu Lisyu Iya Kyala, ukuti kala kāli kabalilo, akabalilo kāko indondwa sila sikwisa palikimo, ukuti Mesiya ābagile ukuya pa kisu.

221 Iyo yo nongwa abene bālyāndīle, “Ali kugu Umwene, apāpīgwe Mwalafyale gwa baYuda? Ali kugu Umwene? Kubuyobumo! Namanga, akabalilo kāko indōndwa sila sikwisa nkati, mpaka imibili gyābo gyammwanya gilinkwisa ukuya ugu gumogwēne unkulumba umbili gwāmmwanya apa, akabalilo kāko sila sitatu sikwisāga palikimo, Mesiya isakuya pa kisu nkabalilo kala.” Kangi akabalilo kāko isyēne syālyēndīle mulamula mu njila syābo, abanyāmbala bala bāmēnye ukuti u Mesiya āli pa kisu.

222 Abēne bāli bafūndi nkibānja kyābo. Abēne bāli banyāmbāla abakulumba. Abēne bāli bafūndi nkibānja kya sayansi gwabwīpūti. Abēne bākētesyāga ulubafu lwabwīpūti lwa ikyēne. Kangi abēne bāsibwēne indōndwa sila sikwēnda pānja kula, Jupiter na Sargasi, kangi polelo ukwēnda nkati mu lwābo—lwābo u lukīndi. Kangi abene balinkuti, “Uswe tumenye ukuti Mesiya ali pa buyobumo. Popāpo, Umwēne ikufimbilisigwa ukuya mu Yerusalemu, panongwa yakuti ubo bo buyo ubukulumba-fiyu bwa bwīputi bwa kisu, bwa bwīpūti bwa Mesiya. Ilyo Iyo likulumba lyābo. Ilyo Iyo likulumba lyakipanga-kipāgūke. Kula ko kūko ikibugutila kyakipanga ikikulumba kikwitugasya.”

223 Kangi pa ngamila abēne balinkubūka, ifyinja fibili, pási ukukilania Kisoko Tigrisi kangi ukukīnda ifitubwi na matēngēle, ukwēnda, ukubūka ku kāya, indūmbula sīsīwile nu buhobofu.

224 Abene bāmenye akabalilo kako indondwa sila syāmalike mula. Kangi iki, bope nababamanyandondwa bikuyoba, umwisyugu, “Linga isyene nalololi, indondwa sila, sikwisa nkati mbuyo bula kangi, ikyēne āngāli kikutēndēka u lutondwa lumolwēne, ukufuma kūko abēne bālimīle, bikukēta.” Loli abene bafimbilisigwaga ukwima ukufuma ku buyo bula, ukuketa ikyene. Ameni. Ameni.

225 Kikwēgēla kūko ugwe gwīmīle. Kikwēgēla iki ugwe kukēta. Uu-huu. Ena.

226 Polelo abene balubwene ulwene, kangi abene bākongile ulwene, kangi abene bali itolo ndukīndi. Kali abene bāfikile

kugu, ulwene lwāli itolo ndukindi na bene. Ulwene lwālongolile abene. Muketile?

227 Iyo yo njila ugwe kufimbilisigwa ukwēga a Masímbo gōsa ukugolosigwa lōsa, kilikyosa, polelo syala mu lukindi lula na Masimbo. Iyo yo njila yene. Ulwēne lwisakulōngosya ugwe kulakula ukutalula ku Mwēne. Naloliloli kīsabōmba.

228 Lilino kētésya. Apa abene bikwisa, bikukúta, “Ngimba ali kugu Umwene, apapigwe Mwalafyale gwa baYuda?” Mu Yerusalemu, u Lutondwa lukulongosya abēne palapala pala, ukutalula ku likulumba lya kipanga-kipágúke. Kangi akabalilo kāko abēne bāsanwike kulubafu lwa ulwēne, u Lutōndwa lwābalekile abēne. Nkati n’kāya abene balinkubuka, mwanya-na-pasi pa lukindi. Abene binogona a kaya kabagile ukwisula mbuhofu bwa Kyala. Mwanya-na-pasi pa lukindi, nu buhofu, abene bābukile, ukukúta, “Ali kugu Umwene uyu apapigwe Mwalafyale gwa baYuda? Uswe tulubwene u Lutōndwa Lwāke akabalilo kako uswe twāli ku Busokel’ilisuba, kangi uswe twisile ukummwiputa Umwene.”

229 Kumbukilaga, u Lutōndwa, isyēne syābūkile kubwa kubwīngilil’ilisuba. Abēne bāli ku Busōkel’ilisuba. “Kubwīngililo ukulōngolēla, pōpe sikukīndilila. Tulōngosya uswe ku. . .” Muketile? Abene bāli naloliloli. . . Abene bāli. . . Ena, Babuloni na India balāmbalele ku Busōkel’ilisuba kwa Palestina, uluko lwa kubusōkel’isuba kwītongo. Kangi abēne bābūkaga kubwa kubwīngilil’ilisuba. “Kubwakubwīngililo silinkulōngosya,” umwe mumenye u lwimbo, “sikāli sikukīndilila. Tulōngolēla uswe ku Lumuli ulupelelesye lula.” Muketile? Abene, banyambala abamahala, bikwisa ku bwingilil’ilisuba. Ukusōkako ku Busokel’ilisuba, ukubuka kubwīngilil’ilisuba, kangi abene bakētīle u Lutōndwa lula. Lilino, linga abēne bāli mu Kubwīngililo, bikukētésya kunyuma, abēne bakālubwéne Ulwēne. Muketile?

230 Abēne, akabalilo kāko abēne balinkufika kula, Ulwēne lulinkubalōngolēla abēne kulakula kula, polelo Ulwēne lulinkubaleka abēne. Kangi abene balinkwinogona, “Apa ikylene kili. U Lutōndwa lubalekile, polelo apa ikylene kili.” Abene bali nkāya. Polelo, “O, mwe,” abene balinkuti, “aligwesa yo itolo ikwimba kangi nhobofu. U lwimiko lwa Kyala lwāsīsye filifyosa. Popāpo, apa uswe tulipo. Uswe tumēnye ukuti ubwītu—uswe tumēnye ukuti ubukābi bwītu, bo uswe twākētesyāga ulwibātikano, nayumo, nayumo umfundi, abagile ukwisa kumwanya kula nukukwaba indondwa sila palikimo. Kangi uswe tumenye, akabalilo kāko sila—akabalilo kāko i ndondwa sila sikwisa mu mbili gula gwā mmwanya, ako ko kabalilo aka Mesiya ali pa kīsu. Mesiya ali pa kīsu.”

231 Kangi ifyīnja bamia filifyōsa fimo, isyēne sikukilania ulubātiko lwābo kāngi, umwe muketile, kangi polelo kilipo i

kyābūpi kikwisa ku kīsu. Kētésya.

²³² “Mesiya ali pa kīsu, akabalilo kāko kila—akabalilo kāko ikibugutila kya ndondwa kila kyāli palikimo.” Kangi abēne bāmenye Umwēne āli kula, popāpo abēne bābūkīle ku likulumba lya bwīpūti, kangi balinkwānda ukubūka, bikuyoba, mmwanya na pāsi u lukīndi abēne balinkubūka, ingamila isi, “Ali kugu Umwene? Ali kugu Umwene? Ali kugu Umwene uyu apapigwe Mwalafyale gwa baYuda? Uswe tulubwēne u Lutōndwa Lwake ku Busokel’ilisuba. Umwene ali apa pabuyo bumo. Ali kugu Umwene? Ali kugu Umwene? Ali kugu Umwene?” Haa! Lo lufuyulo luki!

²³³ Abene balinkubuka ku mputi nkulumba. Umwene alinkuti, lumo āyobile, “Ngimba kitamisye fiki na umwe binitu? Fiki, umwe mwe kipambo kya būmilisi!” Muketile? Lo lufuyulo luki, pa fyakukaba fyabo ifya sayansi! Na maka ga Kyala, abene bakétile u Lutōndwa Lwāke. Kangi abene bāli banyambala bamahala, bakomu. Abene bāli nkibānja kya sayansi gwābwīputi. Kangi abēne bāmenye, akabalilo kāko indondwa sila syāfikile kula, Mesiya āli pa buyo bumo. Kangi apa, ubuyo ubu bwabagile ukumanya ikylene, bukamenye nakimo ikya Ulwēne.

²³⁴ Une mbagile ukwinogonela, abanike bikwima pa lukindi, balinkuti, “Ha! Keta ku ikyo. Ha! Ikyo kyo kipāmo kya būmilisi. Pilikisya ku bēne, bikuyoba, ‘Ali kugu Umwēne, apāpīgwe Mwalafyāle gwa baYuda?’ Abēne bakamanya ukuti Herodi yo mwalafyale pāsi kuno. Abēne bakamanya u Bishopu *Gwakuti*.” O, mwe!

²³⁵ “Ali kugu Umwene uyu apapigwe Mwalafyale gwa baYuda? Uswe tulubwēne u Lutōndwa Lwāke ku Busōkēlo.”

²³⁶ Abene bikuti, “Isaga kuno, mwesa umwe banyambala ba mahala apa, ukusyungutila apa.” Uu-huu. “Isaga kuno. Ngimba umwe mwesa mukuketa u Lutōndwa kulikosa?”

“O, une ngakibonamo siku ikindu kimo bo Kila.”

²³⁷ “Mwēsa umwe bafundandondwa isaga kuno. Ngimba umwe mwēsa mulubwēne lulilōsa u Lutōndwa kulikōsa?”

“Umma. Umma.”

“Ngimba umwe mukabwēne kalikōsa ngati u luko lulilōsa lwa kimanyilo ikisitakupilikisigwa?”

“Umma. Uswe tutikukibona nakimo bo ikyo. Umma.”

²³⁸ Komma mpaka na lino, pōpe. Ikindu kilakila. Abene batikukibona nakimo. Abene bakabagila ukuketa Ikyene.

“Uu, unko uswe tukōléle nkati aba—aba babōmbi. Ngimba bule umwe mwesa?”

“Umma. Uswe tukalubonamo siku u Lutōndwa nalumo.”

239 “Ena, ngimba bule umwe ba miana mwe mukukyūnga akabalilo, panja apa pa kibumba? Umwe kētésya i ndondwa. Umwe mumenyemo siku. . . Umwe mumēnye kūko ulubātiko lulilōsa luliko mmwanya. Umwe mumēnye u lutōndwa lulilōsa. Ngimba umwe mukētīle akāndu kalikōsa?”

“Umma. Uswe tukakēta ikindu nakimo.” Lōli Ulwēne lwāli kula.

240 Lwimiko kwa Kyala! O, mwe! Ngimba umwe mukabagīla ukukibona Ikyēne? Ikyēne kili pala lilino, kangī abēne bakābagīle ukulubona Ulwēne. Ulwēne lukukindilila, palapala ukusyungutila abene, kangī abene bikutoligwa ukulubona Ulwēne.

241 “Umma. Uswe tukākētīle nakimo. O, une nābūkīle ukukilania kula. Une ngākibwene nakimo.” Naloli, ugwe utikubōmba. Itolo mfwamaso fiyo. Ikyēne kikaya kuli ugwe ukukikēta Ikyēne. Muketile? Linga ugwe gwe bafwamaso bo ulu, fiki, naloliloli, ugwe utikulubonaga Ulwēne.

242 Ikyene kyo itolo ku bala babo Kyala isakusetulaga Ikyene. Uyo yo yuyo uyu ikuketa Ikyene. Bwila yo njila yila. Naloliloli.

243 Umwene aali yo Noa uyu abagiile ukuketa ifula mmwanya, umwe mumenye, loli bosa ba abene baatoligwe ukubomba ikyene. Muketile? Abēne bakāyibwēne ifula pamwanya pala, lōli Noa āyibwēne iyēne.

244 Umwene aali yo Abraham uyu aalimbwene Sarah ikukolelela u mwana. Uko ko kotalusya. Komma abūgīli aba bātīle, “Tāta gwa fikolo, ngimba balinga abāna aba ugwe uli nabo lilino?”

245 Mumo uswe tubagile ukwisa ukukindilila mu li Bangeli, abakomu na basololi, injila yosa ukukinda! “Lwītiko bo bukētī bwa fīndu ifi fikaboneka.” Abene bamenye i Lisyu lyāyobile ikyene, kangī pala ikyene kili. Apa bulipo u buketi bwa ikyene. Abene bikukibona ikyene. Lilino kētésya. O, mwe!

“Abanyambala bitu abamahala batikulubona u Lutōndwa lula. Kikayapo nakimo ku Lwēne.”

246 Fiki? Naloliloli, akabalilo kako abēne bāketaga, kangī abene bālingīle mula ni kibugutila kya luko ulu, u Lutōndwa lwāsīmīle.

247 Ikindu kilakila umwisyugu. Ikyo kyo iki kikusimisya u Lumuli lwingi, uko ko kotalusya, ko kuya bākwītābānia lōsa ni kibugutila kya luko ulu bo ulu, aba batikwītīka nu kwītīka’mma Ikyēne, ukwānda nukwānda. Kangī uswe tukuyaga bulebule nu—nu bumobwēne bwa fipānga? “Ngimba uswe tukwēndāga bulebule palikimo pene pāpo uswe twitikisēnie?” Ngimba bulebule ubulilānisi bwa i. . . ubwa iki apa, kīsu-kyōsa, fyōsa i—i fipānga, ifipānga ifibūngānie ifya kīsu? Ngimba uswe tukubūkaga bulebule palikimo, akabalilo kākō uswe tuli maelifu-elifu ga mamailosī ukupagulania? Muketile? Ngimba

uswe tukubōmbága bulebule ikyēne? Aba Bubāngèli na uswe, kangi *iki*, kangi *kila*, kangi *kila*, kangi fyōsa palikimo, kangi napāpo bībūngēnie palikimo nu luko lwa kipāmbō kya bubole.

²⁴⁸ Kyala ikwega u Nkasi uyu mpelelesye, mwikemo, nsitakubwapuligwa, ikusyāla ni Lisyu Lyāke. Umma ndaga.

²⁴⁹ Lufuyulo lwa Yeso kuli i Lisyu. (Kangi polelo uswe tukwimikaga, mu miniti yimoyene itolo.) Yeso āfuyuligwe panongwa ya Lisyu. Keta kuno. Ngimba Umwene abagile bulebule ukwīma ulufuyulo, akabalilo kako Umwene aali Nyakyala yula, Kyala mumbili? Umwene aali Kyala, Mwene, apeligwe mbili.

²⁵⁰ Lilino, umwe mumenye i Bāngéli lyāyobīle lūlo. “Uswe twalinkólīle Umwēne. Bāndūmi bālimbwēne Umwēne.” Inogona itolo isya ikyo. Une ngwitika Timoti ikubīka ikyēne ikindukimo bo ikyo. Muketile? Ukuti, “Kisita matātikano kyo kikulumba kyo ikyakubutītu kya bunyakyāla; kabuno Kyala abonike pabwelu mu mbili, akētīgwe na Bāndūmi.”

²⁵¹ Abandumi baaliko ku bupapigwe Bwake. Mūmo a Bāndumi bābagile ukuti bākētīle pāsi nukusānguluka, akabalilo kāko abēne bākētīle pāsi pa kibaga nukukēta Kyala mu mbili. Amenī. Ikyene kikaya kyakuswigīsyā abene bikwanda ukuywega, “Umwīsyugu, nkaya ka Davīdi, apāpīgwe Kristi u Mpoki.” Abandumi basekelelaga, kangī abene balinkusopa amapiko gabo amanywāmu palikimo, kangī pamwanya pa fyamba fya Yūdai, abene balinkwimba, “Lwīmiko kwa Kyala pa mwanya ukukinda, ulutengano pa kisu, kangī ubwīgāne ubununu ku bandu.” Abēne bākētīle i Lisyu Iya Kyala, ukuti abēne bākētesīsyē pa Ilyēne, ukulibona Ilyēne likubonekēla. Kangī pala Ilyēne lyāli.

²⁵² Lilino, Sētāno akālītīke ikyo, umwe mumenye. Umwēne alinkuti, “Linga Ugwe guli. . .”

U Gwandumi alinkuti, “Umwene yo ali.” Uko ko kukindana.

“Linga Ugwe guli, bomba *kyakuti-na-kyakuti*. Unko uswe tukukēte Ugwe kubomba ikylene.”

Loli u Gwandumi alinkuti, “Umwene ali pala.”

²⁵³ Abanyambala bamahala na sayansi yabo iyabwiputiputi, balinkuti, “Umwene ali pala.” Amenī.

²⁵⁴ Iyo yo nōngwa abafunda-fyakukūmba na balibōsa umwīsyūgu bikukūmba mōsa ifīndu ifi, ifi fifumile pakusololigwa ifyinja finandi ifi fikindilepo, ifi fikwisaga ukuboneka. Kangī apa abēne bali, bikufukula. Abēne nasiku mma nuku. . .

²⁵⁵ Sikayapo nasimo isyāmbukūlu isi nasiku syāyobilemo ukuti Pontiyusi Pilati ālīmo siku pa kīsu. Ngimba umwe mumēnye ikyo? Mwe bāmo ba umwe bāna ba kusukulu mukumbūla une kokūgu mu syāmbukulu mwāyobīle kūko aliko Pontiyusi Pilati. Kangī abasitakwītīka bikūgila ku kyēne nukukiseka ikyēne,

balinkuti, “Kula kukālimo siku u—u mwalafyāle gwa kiRoma ugwāngamu, u—u ndagili ugwāngamu, Pontiyusi Pilati.” Lōli kifuki imilungu ntāndātu igi gikīndīle, abēne balinkukūmba ibwe lyapanguto: Pontiyusi Pilati, ndagili. O, mwe! Butoyofu buki!

²⁵⁶ Abēne balinkuti, “Kula kukālimo siku u Ramusesi mu syāmbukūlu, Ramusesi pamwanya pa Igupti.” Lōli abēne bāfukwile ibwe, bufunda-fifukule: U Ramusesi, u gwākibili. Kētēsya.

²⁵⁷ Kangi abēne bātīle ukuti ifibūmba fila fikāgwīlēmo siku pāsi. Abafūnda-fifukule bākūmbāga ukusyūngutīla, kangī, ikīndu kyākwānda umwe mumenye, abēne balinkukūmba ukufukula, kubutali pāsi kūko ifibūmba fyāgwīle pāsi mu Yeriko, umwe mumenye, akabalilo kāko ingangabwite yākubile. Abēne bātīle, “Kila kyāli itolo kapāngo, u lwīmbo umunduyumo āyobile, ālīmibile kunyuma kula.” Ena. Umūgīli āyobile ikyo. “Kala kāli itolo kapāngo. Kikālīko siku nu luko nalumo lwa kīndu bo fibūmba fikugwa, kangī Yoshua ikulundumīsyā ingangabwīte, nukubopela kula ku fibūmba kangī ifyēne ukubūka pāsi. Kikālīko siku ikīndu bo ikyo.” Kangī yumo unkulumba u mfunda-fifukule gwa kiKristi alinkūmilīsyā itolo ukukūmba, ’nongwa yakuti umwēne āmēnye ukuti ikyēne kyābagīle ukuya lūlo. Umwēne ākumbīle amafīti malongo matatu na malūndi gamo ukōngelelāpo, pāsi kūko abāngi ba bēne bāli. Pāla fyālipo ifibūmba, filūndike itolo pamwanya pa kimo ni kinine, itolo bo mūmo i Līsyu lyāyobīle.

²⁵⁸ Abēne bāyobile, “Kula kukālīko u luko lwa kīndu ukuya Davīdi nasiku ukukīna pa kyōmbo kyāke, u sēse gwa ndīsi ’nongwa yakuti ubwimbilo bwa milisi bukāmanyīgwe mpaka ifyīnja mia fya kalongo na fihano.” Balinkuti, “Kikālīko siku ikīndu kya luko ulo.” Abafūnda-fifukule ba kiKristi balinkufukula, pāsi mu Igupti. Ifyīnja maelifu mana iyolo, abēne bāli fyōmbo fya milisi. Amenī. O, mwe!

²⁵⁹ Abene bāyobile, ukufwana na bana ba kiHiburi ukutēdeka gala amabwe ni findu bo ifyo, ukufuma pa fweuwe, “Kukālīko u luko lwa kīndu kila.” Abafūnda-fifukule balinkubūka ku kukūmba pala. Ngimba abēne bafyāgīle fiki? Iyo yo sayansi. Ngimba abēne bāfyāgīle fiki? Ifibūmba fya kāya aka aba Hiburi bāyēngīle, ulubātīko lwākwānda lwa mabwe syāli fwēuwe indali; u lwakibili lwātumulīgwe lōsa mu tunini tunānda utupatu twa makāndi; kangī u lwābutatu lukālīnasyo nasimo ifwēuwe mu kyēne, na panandi. O, mwe!

Ifikolo fikubongotoka, Israeli ikusumuka,
Ifimanyilo ifi abasololi bayobīle-ngāni;

²⁶⁰ Ena, nkulumba. Ikyene kyosa kisegelīle kwa uswe, nkundwe, kalumbu. Nongwa ya fiki ikyēne? Mu fyīnja ifinīni ifi fyākīndāga, nasiku i kīsu kya mafilimu kibōmbilemo siku

iki icyène kibõmbile. Pa kyäkuketelèla pikwisa akapāngo ka *I Ngomelesyo Kalongo* ukwisila mwa Cecil DeMille's. Pa kyäkuketelèla pikwisa u bñmi bwa Yeso Kristi ukwisila mwa *Ben Hur*. Pa kyäkuketelèla pikwisa *U Ndobanswi Unywāmu*, ulupīnduko lwa Peteri. Kangi syõsa i ngino syabwīpūti isi, isi abamafilimu bāpikāga, nukubwāpula, kāngi bātāgīle pānja. Loli, Kyalā, mu maka Gake amakulumba, alinkupufulila icyene pānja, itolo lulalula.

²⁶¹ Lululu lilino, ifindu fila ifi fyāyobīgwe ifyīnja fīnini ifi fikīndilepo, undōndo, unnini umōlōlo umbombi, nimwēne, gwa Kyalā, une ndinkuti, “Lulipo u Lumuli ulu lwālīmīle kangi lwāyobīle kwa une, nukumbula une ifindu ifyakubomba.” Abāndu balinkuseka nukuyoba, “Umwēne yo nnini panāndi abūkilēmo ku ntu gwāke.” Kilipo ikipīcha kya Ikyène. Sayansi yālyēgīle Ikyène. Ikyène kili pala. Ubwēne bo Bwanalōli.

Une ndinkuti, “U nkikulu akupīliligwe ku bufwe.”

²⁶² Abene balinkuti, “Unsyungulu, lilino, ikyo kyo butoyofu. Umwene itolo ikupela ikyo mminogono gake.”

²⁶³ Kilipo ikipīcha kya icyène. Kyalā isakutēndēka amabwe ukukūta pānja. Umwēne abagīle ukubōmba iki Umwēne ikulōnda.

²⁶⁴ Yeso, ulufuyulo lwa Lisyu. U Mwanundumiana Gwamwakyala gwa Kyalā imile pala, Emmanueli, lo lufuyulo nki! Ukwītikisya untulwanōngwa unsitakwītika āmpinye Umwēne, ukufunya nkisyo Kyāke, nukunyukula ulukufi lwa ndefu, nukuya nkifu Umwēne ukubōmba kalikōsa ka icyène. U lufuyulo lwa Lisyu! A-ha. Fiki? Ukufwanisya i Lisyu lya Tata. O! Loli, kumbukilaga, Umwene ikufīmibilisigwa ukwima ulufuyulo lwa bufwe. Kyalā, Uyu akabagīla ukufwa, kangi yu Mwēne ntiga uyu ābagīle ukufwa ukupoka untulwanongwa. Nayumo uyungi, nayumo umundu gwakibili pamo umundu gwakitatu, abagīle ukubomba icyene. Kyalā Mwene yo Yuyo mwene abagīle ukubomba icyene. Kangi apa Umwene āli.

²⁶⁵ Umwene alinkuti, “Akayapo u nnyambala uyu afyukile mmwanya loli Umwene uyu āsulwike pāsī, yōpe u Mwanundumiana gwa mundu uyu lilino alī ku Mwanya.” Ameni.

²⁶⁶ Abene balinkuti, “Abatāta bitu balyaga a mana ndulungalanga.”

“Kangi abene bafwile,” Umwene alinkuyoba.

“Kangi Ugwe kuyoba ukuti Ugwe gwe Nkati gwa Bumi?”

²⁶⁷ Umwene alinkuti, “Bo Abraham akāli ukuya, UNE YONE. Une ne Nkati gwa Bumi. Une ne UNE YONE.”

²⁶⁸ Abene balinkuti, “Ugwe ukaya ni fyinja malongo mahano mbukusi, kangi kuyoba ukuti Ugwe ‘gwalimbwene Abraham?’”

269 Umwene alinkuti, “Bo Abraham āli, UNE YONE.” Kangi polelo alinkubitikisya abatulwanongwa ukumpinya Umwene, ikipānga kyakipanga-kipāgūke, ukumpinya Umwene.

270 Umwe mukukumbukila, mu lisiku ilyabumalikisyo, i kipanga kya Laodikiya iki, abene bālimbikile Umwene panja, pōpe, ikya kipanga. Umwe muketile kūko ikyēne kili lilino? Ngimba umwe mubagile ukukēta nongwa ya fiki une ngukūta pānja ukulwāna nu lubātiko lula?

271 Nongwa ya fiki Yeso ābitikisye abatulwanongwa ukumpinya Umwene? Ikyēne kyāli kufwānikisya i Lisyu, ukutwāla ulufuyulo kwa Kyala, ikufwa. Kyala alinkufimbilisigwa ukufwa. Umwēne āfimbilisigwāga ukuya mbili, ukuti afwe. Kangi Yeso āmenye ikyo. Umwēne ābabūlile abēne isya ikyēne. Umwene alinkuti, “Bongotola i tempeli iyi, kangi Une nisakuyisumusya iyēne mmwanya kāngi.” Komma umunduyumo uyungi ukufyusya iyēne. “Une nisakufyūsyā iyēne mmwanya. Mmasiku matatu, Une nisakuyitwāla iyēne palapala ukugomokesya kangi. Umwe bongotola iyēne; Une nisakufyūsyā iyēne mmwanya. Mumo u Yona āli munda mwa nswi, ku masiku matatu ni kilo, momumo ikufimbilisigwa u Mwanundumiana gwa mundu ukuya mu ndumbula ya kisu.” Kangi abene balinkusita nukupilikisya ikylene. Muketile? Ulufuyulo ku Lisyu, Umwene—Umwene aali.

272 Lilino, ukūgiligwa ku bufwe, ukufyūka kangi ku Būmi Bwasyēpwa. Umwēne ikyākwānda āfimbilisigwaga ukubikigwa ku bufwe, ukuti Umwēne ābagile ukufyūka ku Bumi Bwasyēpwa, nukutwāla umūndu gwabūndu aligwēsa uyungi (uyu āli mu bubūmbe Bwāke) ku Būmi Bwasyēpwa, aba bābagile ukwītikisya Ikyēne. Muketile? Umwene alinkuya mundu, ukuya Ntabuli gwabukamu, kangi afimbilisigwaga ukwimila ulufuyulo lwa būgili, kangi kōsa ukutēndeka ukusekigwe, itolo mūmo ababōmbi Bāke abanine bābōmbile bo akāli Umwēne. Ngati Mōse, ngati Noa, ngati bōsa abasyāle ba bēne bālimile ikyūgila, Umwēne āfimbilisigwaga ukwīma ikyūgila. Fiki? Umwene āli ni Lisyu, kangi Umwene āli yo Lisyu. Iyo yo nongwa abene bānsēkaga Umwene ukukindamo siku. Umwene aali Nyakyala kangi i Lisyu Lyene. Aleluya! Ikyo kyo iki kyalimpelile Umwene.

273 Yeso ātile, “Umwe basyobi.” Alinkuti, “Umwe mukuyenga amapūmba ga basololi, kangi umwe mwe yūmwe aba mubabikile abēne nkati mula. Abene bikwisa ni Lisyu lya Kyala, kangi umwe mukābitike abene. Umwe mutobesigwe pa aligwesa gwa bēne.”

274 Ku Phoenix, Kyala iganege, une ngutika i lisyu ilisiku limo, Une nguyaga pakukemela ingulilo iyi panongwa ya kungoga Yeso Kristi, ukunkomelela Umwene kabili, Une nguyaga pakutwāla ulukemelo pankyeni pa bulilanisi bwabalūmbilili bula, Kyala itikisyēge. Abēne batobesigwe panongwa ya Lilopa

lya Yeso Kristi, panongwa ya kunkomelela Umwēne kabili-kosa. Ena, nkulumba. Ukukemela kyōsa!

²⁷⁵ Peteri ābakemile abēne, pa Lisiku lya Pentekosti. Umwēne alinkuti, “Umwe na maboko amabibi mwākomelile u Nsōka gwa Būmi, Yūyo Kyala āfyūsīsyē. Uswe tuli baketi.” Umwēne ātwēle ulukemelo.

²⁷⁶ Une nguyaga pakwēga i Lisyu lya Kyala, ukukemela ikipānga-kipāguke kilikyōsa iki kiliko, kangi unnyambala aligwesa pa kisyō kya kisu, uyu yo ntobesigwe gwa Lilopa lya Yeso Kristi. Kyala ndula une ukuya gwāndagilo Gwake pa lisiku lila. Amenī. Ena.

²⁷⁷ O, abūgili bātēndike uluseko lwa Umwēne. Abēne balimfuywile Umwēne. Umwēne āsyēle palapala ni Kyēne. Amenī. O! Kētēsya iki Umwēne ābōmbīle. Umwēne āli Mwanundumiana gwa Kyala, ākūbīlwe ubufwe ukuti abīke ubutulwanongwa ku bufwe. Umwēne alinkufimbilisigwa ukubōmba ikyo. I...Iyo yo njila yene ikyene kyābagile ukubikigwa ku bufwe. Kangi Umwene ābombile iki, kangi ālikasīsyē ikyene, panongwa yakuti bosa abangi ba abene bābombile.

²⁷⁸ Panongwa yakuti, bosa ba abene kunyuma kula bāli ni Lisyu lya Kyala mbunīni. Panongwa yakuti, Yeso āyobile lūlo. “I—i Lisyu lya Ntwa lyālisīle ku basololi. Kangi aliku gwa bēne,” Umwēne alinkuyoba, “aba abatata bīnu, ubwīputiputi bwīnu ubupānganisigwe, bakatūnyile na mabwe nukubīka ku bufwe? Aliku yumo mwa bēne ālyāmbilīle abasololi? Polelo umwe mukuyēnga amapūmba gābo ukufuma pāpo abēne babūkīle.” Alinkuti, “Umwe mwe batobesigwe ba kubabīka abēne nkati mula.”

²⁷⁹ Polelo Umwe alinkubapa abēne ikifwanikisyo ikya ungunda gwa mafilu gwāsīmīgwe pānja, kāngi ababōmbi bikwīsa. Abēne balinkubabōmbēla ububībi abēne, polelo kubumalikisyo balinkuti, “Lilino uswe tukungogaga u mwanundumiana, panongwa yakuti umwene yo gwakilingo.” Muketile? O, abene balinkukalala akabalilo kako abene bikukibona ikyo. Muketile?

²⁸⁰ Lōli Umwēne āfīmbilisigwaga ukwīma ulufuyulo. Kangi apa Umwēne aligwe Mwēne apīnyīgwe, ukulōngosigwa kula ku būfwe, ukuti abikīgwe ku būfwe, ukutwāla ukugomokesya u Būmi Bwasyēpwa. Lwimiko kwa Kyala! O, mumo une nunganiile Umwene! Ukutwala ukugomokesya u Bumi bwa Syepwa kangi fyusya u mwanundumiana gwa Kyala aligwesa, ukukīndilia mu ngulilo, uyu alinkwima ni Lisyu lila kangi alinkwega ulufuyulo. Uko ko kutalusya.

²⁸¹ Linga Umwene akālisīle mma, Noa akābagīle ukusumuka. Linga Umwene akālisīle mma, Eliya akābagīle ukugomokela. Linga Umwene akālisīle mma, Noa āngāli akabagilamo siku ukufyuka, linga Umwene akābagīle...linga Umwene

akālisile. Panongwa yakuti, Umwene aali Kang’osi uyu asunguligwenganila, uyu aalisile ukwega ulufuyulo pa Mwene, kang’osi ukufwa u bufwe panongwa ya Lisyu lya Kyala lililyosa ili lyāyobigwe, kang’osi abanyambala abagolofu aba bīmile. Umwene alinkufimbilisigwa ukuya. Nayumo uyungi ābagile ukubomba ikyene. Kyala Mwene, kang’osi Umwene alinkwisa nukwega u buyo, ukuti Umwene abagile ukutabula nu kupa u Bumi bwa Syepwa kwa mwanundumiana aligwesa gwa Kyala uyu imaga pa Lisyu lilalila kang’osi abagile ukukubilwa ulufuyulo. Aligwesa u mwanundumiana gwa Kyala, ukusuluka ukukinda mu ngulilo, uyu ābagile ukwima ulufuyulo akālipo nayumo ābagile ukutabula umwēne, lōli nu lwītiko umwēne ākētile u Ntabuli yula ikwisa.

²⁸² Yobu alimbwene Umwene. Yobu alinkwima kunyuma kula, kang’osi abene balinkuti, “O, ugwe uli ntulanongwa gwambutitu. Kyala ikukufunda itolo ugwe, panongwa yakuti ugwe uli ntulanongwa gwambutitu.”

²⁸³ Umwene alinkuti, “Une mmenye u Ntabuli gwangu ali nu bumi. Ku masiku gabumalikisyo Umwene isakwimaga pa kisu kya pasi. Palema nalinga amafilifili ga kipapa gikonanga umbili ugu, pōpe, mu mbili gwangu une nisakumbona Kyala.”

²⁸⁴ Unkasi alinkuti, “Nongwa ya fiki ugwe utikunguna Umwēne nukufwa?” Alinkuti, “Ugwe kuboneka ngati mpelakinyanyasi untolwe.”

²⁸⁵ Umwene alinkuti, “Ugwe kuyoba bo nkikulu ntoyofu.” Ameni. Pala Umwene aalipo. “Une mmenye Umwene mūmi, kang’osi Umwene isakwimaga pa Lisiku lyabumalikisyo.”

²⁸⁶ Linga Yeso akālisile mma, Yobu akābagile ukutabuligwa, panongwa yakuti Umwene aali Kang’osi abūtigwe ukufuma ku lwalo lwa kisu. Umwēne āmenye ubuyo Bwāke. Umwēne āmenye ubupime Bwāke.

²⁸⁷ Iyo yo nongwa, Maria ābwāgénie ubuyo bula, ilisiku lila akabalilo kāko umwēne ikusōka pānja. Umwene alinkuti... “Linga une... Ugwe gwalipo apa, undumbu gwangu angali akafwa mma.”

Umwēne alinkuti, “U nkundwe gwāko isakusyūka kāngi.”

Alinkuti, “Ena, Ntwa, mu busyuke. Umwene āli ndumiana nnunu.”

Yeso alinkuti, “Loli une YO UNE busyuke bula. Kwitika ugwe iki?”

²⁸⁸ Umwene alinkuti, “Ena, Ntwa, une ngwitika ukuti Ugwe gwe Mwanundumiana gwa Kyala uyu abagilile ukwisa nkisu kya pasi.”

Umwēne alinkuti, “Ko kugu umwe musyilile umwēne?” O! Mwaketa lelo umwe. Um-hum.

289 Umwene alinkukyagania icyene. Unkikulu unnini yula akāyobaga icyo. Umwene āli ni misyétano mihano-na-mibili gikāgigwe ukufuma ku mwene. Umwēne āmenye amaka ga Kyala, aga gabagile ukwēga ulwitūfyo nu bukamandigwe na filifyōsa, ukufuma ku mwēne, icyo kyabagile ukwega akanini, akīmi akambepo ka kusukulu yapamwanya ukufuma mu mwene, kangi kyābagile ukumpela umwene kipeligwa ikipya. Umwēne ākagile imisyétano mihano-na-mibili pānja. Abakīkulu bala bāmenye iki Umwēne āli, uyu ālimmwitikisyē Umwēne.

290 Abene bamenye iki Umwene abagile ukubomba kuli bene. Momūmo abene bikubomba umwisyugu, bópe. Itikisyā itolo icyene. Ikyo kyo kindu ikikōnge.

291 Pala Umwene alipo. Umwene āyobile icyo. Kangi Umwene. . . Umwe mumenye iki kyābonīke. O!

292 Bosa aba bābagile ukukubilwa kuli i Lisyu lilalila, Umwene aafwile panongwa ya abo. Umwene āli yo Yuyo mwene uyu ābagile ukufwa, ukubomba icyene, kabuno Umwene āli yo Lisyu. Umwene āli yo Lisyu, i Lisyu lipeligwe ukuboneka. Bosa abangi bali nato utupake utunandi, loli apa bwāli bwīsule bwa Kyala, mwa Umwene. Yulayula Umwene ali umwisyugu. Bahiburi 13:8, “Yeso Kristi yo yuyo mmayolo, umwisyugu, na bwilanabwila.” Pilikisyā.

293 Une gwigala, nalōlilōli. Une ngubomba icyene, itolo ngubomba. Une ngindile akabalilo.

294 Umwene akāsimbilemo siku i Lisyu limolyene. Bule Umwene? [Ikilundilo kikuyoba, “Umma.”—Nsimbi.] Nasiku ukusimba i Lisyu. Fiki? Umwene aali Lisyu. Umwene aali fiki? A Masyu aga gasimbigwe, Umwene aali yo kubonekela pabwelu kwa Lisyu lila. Lwimiko! Whuu! Lilino une ngwipilika kanunu. Umwene āli Lisyu. Umwene akāfimbilisígwe ukusimba nakimo. Umwene aali yo Lisyu, i Lisyu ili ilisimbigwe lipeligwe ukuboneka. Lwimiko kwa Kyala! Umwene yo yuyo umusyugu, mmayolo, umusyugu na bwilanabwila. Umwene yo Lisyu, Ilisyu lipeligwe ukuboneka.

Ugwe kuyoba, “Ngimba icyo kitalusye, Nkundwe Branham?”

295 Kētēsya Yehova ikwīma kunyuma kula nukupufula unkolofwa ukukilania amayiga gala ngati kwīsilya, nukutēndēka unsebwē kuli Israeli ukwēndāmo ukukīndāmo.

296 Kētēsya Yehova mu mbili, ikuyoba, “Lutengano, yaga kimyemye.” Akabalilo kāko amayiga gātikāga mu filoboko, mu mbelo gula, kangi u mōhēsī ukumyānda pa kilikyōsa, bo ulu, Umwene alinkuti, “Lutengano, batama.” Kangi icyene kilinkumpilikila Umwene; imibelo na fyosa. Umwene aali Yehova. Amenī.

297 U Yehova yula ābagile ukwīma kwisīlya nukunyāfila ututōndobya twa ndūngwa utunīni pānja, ukuleka akēne kagwe ku kīsu nukutēndekīgwa nkate, ukuswīla abāndu.

298 Umwēne ālīmīle nukwēga iswi sihano, pamo, utusyesye tuhano nu tuswi tubili, nukulyēsya maelifu mahano.

299 Umwene aali yo Lisyu. Ameni. Ameni. Umwene yo Lisyu, kangi Umwene ikuyaga bwīla Lisyu. Kangi kwa une ni nyūmba yāngu, uswe twisakubombelāga i Lisyu.

O, une ngulōnda ukumbona Umwēne,
ngulōnda ukukēta pa kisyo Kyāke,
Kula ukwīmba bwilanabwila isya ipyāna
Lyāke ilyakupoka;
Pa ngīndi sya Lwīmīko, unko une ngufyusya
ilisyu lyāngu;
Akabalilo kāko imbasyo syōsa sikīndile,
kukāya pabumalikisyo, ukusangaluka bwila.

300 O, mwe! Ena. Pimba ulufuyulo lwa Lisyu. Lulipo ulufuyulo lukubuka ni Lisyu. Ima palapala ni Lisyu, kangi pimba ulufuyulo.

Unko uswe twipute.

301 Yeso, bo kikilo ikīngi, Ntwa, une nākūtīle, “O Yeso, ngimba Ugwe kulōndaga une mbombe fiki? Ngimba une mbagile ukubōmba fiki, Ntwa? Ukukēta ifindu ifi, kangi ukumanya isala iyi uswe tukwītūgasyāmo, ngimba une mbagile ukubōmba fiki, Ntwa? Ngimba une mbagile ukubōmba fiki?”

302 Une ngwiputīla akapanga kangu akanini apa, Ntwa. Une ngwinogona isya njuni innini mu mboniboni, ifindu ifi fiyīle; kangi injuni isingi, isi syāli findu ifikulumba. Lōli pala fyālipo ifipālo fitatu fya isyēne, Ntwa. Lōli akabalilo kāko a Bāndūmi balīngilēmo mula, sikālipo injuni nasimo syāsyele. Abatumigwa abanini bala bāli banunu, Ntwa, lōli une ngwitika ukuti kilipo ikindukimo itolo kifuki ukuboneka. Unko ikyene kiyege, Ntwa. Tubūmba uswe nukutupela uswe ukufuma pa njila Yāko. Uswe tuli—uswe tuli mfu. Ugwe gwe Mbumbandeko.

303 Pa lisiku lya kilabo Krismasi ili, Ntwa, uswe tukupalisya panongwa ya kyabupi kya Kyala, pakuti Kyala ikupa kwa uswe. Palema nalinga iki kikuyaga kimo, bo uswe tukwitika mu ndumbula syitu, a kanyikalilo ka bīputafifwani kamo aka lisiku ili abēne bagelīle ukubumba ilyene nukutendeka ikyene ukuya bo u—u mīsa, mīsa ya Kristi, lōli uswe tutikwīsa mu njila yila ya Santa Klausī ni mipiki gya Krismasi ni—ni fimogesyo. Loli uswe tukwisa mu Ngamu ya Ntwa Yeso, ukummwiputa Kyala gwa Kumwanya, uyu āpelīgwe mumbili, nyōfu bo uswe, nukwitugasya pakati pitu, ukututabula uswe; nukukubīlwa ulufuyulo ulwa Ngamu, ākubīlwe ulufuyulo lwa kipīngika, ukwitikisya ikipānganio kya kīsu ukubīka Imanueli ku bufwe, ukuti Umwēne ābagile ukututwāla uswe ku Būmi Bwasyēpwa.

304 Ngimba yo ywāni uswe, Ntwa? Ngimba uswe twe ba ywāni, ukuti uswe tubagile ukubopa ulufuyulo lulilōsa? Kyala, tupelaga uswe basikali bakifu. Une ngugabika a masyu aga kwa Ugwe, Tāta. Agēne lumo gāli makonyokekonyoke; makatale kangi mōnywa na mumo une njilile. Lōli, Tāta, bafwika abāndu aba panongwa ya kwitugasya nukupilikisya. Kangi a maka aga gātwele u Ntwa gwitu, nukuntwala Umwene kwa uswe apa panongwa ya Mpoki, mmasiku gabumalikisyo ili, agēne galinyenyemusyaga imbepo yiliyōsa nkati muno, Ntwa, ku bupipi bwa Kwisa kwa Ntwa Yeso. Kiliyaga ikyēne lulo, Tāta.

305 Bumbulusyaga ababine na bonywa aba bali pakati pa uswe. Pinya mōsa abakonyoka-ndumbula. Ntwa, uswe tuli. . . Uswe tubūkile ukukinda ifingi fiyo, indumbula yāngu yili ni fikoko fingi fiyo pa kyēne, Ntwa, ukufuma ku mabwite amakafu. Une ne mfumakubwite gwaiyolo. Ndula une, Ntwa. Une ngufumbwa ubutuli Bwāko. Ngusūma bōsa ubu ubumanyisigwe buyege kuli ubwigane bumo. Une ngusūbila ubwēne bufumile pakuya, Ntwa. Ndula une, O Kyala. Kangi tula i kipanga iki. Kangi tusayaga uswe, palikimo.


306 Sayaga bāna banini. Une ngwinogōna isya bingi umwisyūgu, abanini, abinitu abanini abapelakisa, abinitu batisakukwāmbilila kalikōsa pānja. Kangi une—une ngusuma ukuti Ugwe kuyaga na bene nukubatula abene. Bapapo abene u Bumi bwa Syepwa, Ntwa. Ikyo kyo kikulumba ukukinda. . . ikyo kyo Kyābupi kya Krisimasi iki uswe tukulōnda, kyo Bumi bwa Yeso Kristi ukulagila nu kulindilila mu ndumbula yangu. Ikyo kyo iki une ngulonda, Ntwa.

307 Tusayaga uswe, palikimo lilino. Uswe tukubika a Masyu aga kwa Ugwe. Unko agēne gagwile kulikōsa agēne gisakugwa, Ntwa. Kulikosa kuko indumbula yiguligwemo siku, galitwala panja akabalilo akakulumba aka ubupoki, mu Ngamu ya Yeso. Amen.

308 Aligwesa uyu. . . Balinga bannganile Umwene? Yaga mbubopelo fiyo, munjila yiliyosa? O, une nunganile Umwene! Une nunganile Umwene. “Ntwa, ngimba Ugwe kulōndaga une mbombe fiki?”

309 Komma ukwibwa ubulumbilili ikilo iki. Umwe mumenye iki Krisimasi ikusanusya lilino? O, *Iki* kyo kikukūngilwa kya Krisimasi. *Ili* lyo Lisyu lila. Ntwa, linga une mbagile itolo ukwileka nimwene, linga une mbagile itolo ukwisosyapo pa njila ukuti i Lisyu Lyako libagile ukulilingania Ilyene, Lyene ukwisila *muno*, ikyo kyo—ikyo kyo kindu ikikulumba ukukinda iki une nkimenye.

310 Lilino une ngwinogona abene bali ni findu fimo abene bikulonda ukupa ku bāna. Lilino une ngusanusyaga ulukomano ukugomokesya kwa Nkundwe Neville. Kyala akusaye ugwe.

Nkundwe Neville. 

62-1223 U Lufuyulo Kuli Nõngwa Ya Lisyu
Kitembe Kya Branham
Jeffersonville, Indiana U.S.A.

KYANGONDE

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org